

EDENI YA SATHANE

 Kha ri kotame. Mudzimu a funwaho, ri a U livhuwa madekwana a ɿamusi kha itshi tshifhinga tshavhuđisa, u da hafhu nga Dzina la Murena Yesu, u tangana na swina lashu, swina Łau, ngeno nnnda mudavhini wa nndwa; nga İpfı, u mu pandela vhukati ha vhathu Vhau; uri vha kone u vhona, madekwana a ɿamusi, Murena, Tshedza tsha Mafhungo-madifha. Ndi rabela uri U do dolisa mađo ashu mushonga wa mađo, uri a vulee kha Ngoho; uri ri kone u ɿuwa fhano, ri tshi amba mbiluni dzashu, “Naa mbilu dzashu a dzo ngo swa ngomu hashu musi A tshi amba na rine ndilani?” Fhodza vhalwadze na vha thupheaho. Tuđuwedza vho nyamaho. Imisa zwanda zwi si na nungo zwe zwa vhuya zwa nembelela. Ngavhe ri tshi sedza kha U Da ha Murena Yesu, hune ra tenda uri hu tsini. Ri humbelia izwi Dzinani la Yesu. Amene.

Ni nga dzula.

² Ndi do lingedza u pfufhifhadza ɿamusi, ngauri ndi a ɿivha uri vhanzhi vha bva masiani o fhambanaho a shango, u...u itela tshumelo; kana vho vha vho sala, vhańwe vhańu, huno vha tea u humela murahu, kana khamusi ndila dza u humela murahu. Huno ndi a ni livhuwa. Matsheloni ano ndo vha ndi tshi khou ɿoda u pfa Murathu Neville, nne muńe. Huno ndo mu pfa zwifhinga zwinzhi, nahone na kathihi a thi athu mu pfa nga tshińwe tshifhinga nda sa mu takalele. Fhedzi matsheloni ano, uyo mulaedza wo ɿaho nga tshifhinga tshone, ndi a ɿivha uri ndo rangwa phanda nga Murena u thetshelesa uyo matsheloni ano. Ndi zwavhuđi nga maanda! Huno ndi a vhona uri ndi ngani vhoiñwi vhathu ni tshi takalela u da huno na mu thetshesela, na ene. Huno tshifhinga tshołhe u do ni thakha, ndi na ngoho, u mu thetshesela.

³ Ndo vha ndi tshi khou lingedza u fara mińwe ya mivhudzisano yanga ɿamusi; matsheloni ano na masiari ano. Ndi tshee na minzhi, minzhi, minzhi ine nda tea u ya khayo. Huno ndi...

⁴ Vhunga, ndi a tenda, ho vha hu Yetero we a vhudza Mushe nga tshińwe tshifhinga, a ri, “Zwi tou vha zwinzhisa kha iwe.” Ngauralo, ri na vhakomana vhanzhi fhano kha thaidzo dzanu. Huno ińwe na ińwe yadzo yo tendelwa, nahone ndi zwithu zwavhuđi zwine zwa tea u londiwa. Huno ndi do themendela mufunzi washu, kana Mukomana Mann, na vhańwe vhashumeli vha Lutendo lwashu fhano. Inwi ni nga ya khavho. Vha do ni vhudza kokotolo tshithu tshire na tea u ita; vhańwe vhathu, vhana vhavho; vha tshi malelana na dzinwe tshakha, kana zwithu two khakheaho. Huno avha vhanna vha nga ni thusa

u tou fana na—na muñwe muthu-vho, ngauri vha vhalanda vha Kristo. Huno iyani khavho, huno ndi na ngoho ya uri vha do—vha do ni nea thuso ine na i ḥoda. Nne ndi nga si kone u ya khadzo dzothe. Hu na nnzhi nga maanda, huñwe na huñwe hune na ya. Dzi dzulela u kuvhangana dzi tshi ya n̄tha na n̄tha, ni a vhona. Huno—huno ni ḥodou ya kha iñwe na iñwe yadzo, fhedzi ni nga si kone u zwi ita. Fhedzi ndi khou rabela ndi sa fhidzi uri Mudzimu, nga iñwe n̄dila, u do ni shumela dzone zwavhuđi.

⁵ Zwino, madekwana a ñamusi, ri ḥodou ya kha Luñwalo, huno ra vhalala tshipiđa tsha Luñwalo lu bvaho kha Genesi, ndima ya 3; huno ra tou amba zwiñukunyana nga ha zwiñwe zwithu zwa murahu zwe ra vha ri tshi khou amba nga hazwo, zwifhingani zwo fhiraho, huno ra vhona arali Murena Yesu a tshi do ri nea zwiñukunyana zwo engedzeaho kha zwine ra do ñivha musi ri tshi bva. Ndi rabela—rabela uri U do ralo.

Zwino nowa yo vha yo thanya nga maandesa u fhira phukha iñwe na iñwe ya tsimu ye MURENA Mudzimu a ita. Huno ya ri kha musadzi, Nangoho, Mudzimu o ri, Ni songo la muri muñwe na muñwe wa ngade?

Huno musadzi a ri kha ñowa, Ri nga la zwashu mutshelo wa miri ya ngade:

Fhedzi mutshelo wa muri u re vhukati ha ngade, Mudzimu o ri, Ni songo u la, nahone ni songo u kwama, uri ni sa do fa.

Huno ñowa ya ri kha musadzi, Ni nga si fe ngangoho:

Ngauri Mudzimu u a ñivha uri nga ñuvha lìne na u la, zwenezwo mađo anú a do vulea, huno ni do nga midzimu, ni tshi ñivha vhudži na vhuvhi.

Huno musi musadzi a tshi vhona uri muri ndi wavhudži sa tshiliwa, na uri wa vha u takadzaho mađo, na muri u tameaho kha u ita uri muthu a ṭalifhe, a fula mutshelo wawo, huno a la, nahone a nekedza-vho munna wawe a re nae; huno a la.

Huno mađo avho vhuvhili havho a bonyolowa, huno vha ñivha uri vha fhedzi; huno vha rungekanya mađari a muhuyu, huno vha ñiitela dzifasikođi.

⁶ Ngavhe Murena a tshi engedza...phathutshedzo Dzawe kha u vhalwa ha Ipfi Ławe. Zwino ndi do takalela u dzhia liñwalwa madekwana a ñamusi, li bvaho kha holwo, huno nda li vhidza: *Edeni Ya Sañhane*. Ndi tshithu tshituku tshi songo vibhvaho u nga tshi amba, tsha, *Edeni Ya Sañhane*. Li nga li a fanelana, kha vhuñwe vhusiku ha Swondaha, ndi a tenda, musi ndo vha ndi tshi khou amba na vhoinwi fhano nga ha *Sefo Ya Munna A Elekanyaho*, na muthetshelo wa munna mukhethwa.

⁷ Huno tshiñwe tshifhinga aya maambele mađuku a songo vibhvaho a ri ñisa kha tshiñwe tshithu; a ri ita uri ri gude,

nahone a ni vhea kha u vhala Ipfi. Huno izwo ndi zwine nda toda tshivhidzo tshanga tshothe tshi tshi ita. "Muthu a nga si tshile nga tshinnkwa fhedzi, fhedzi nga Ipfi linwe na linwe li bvaho mulomoni wa Mudzimu." Ngauralo, vhalani Ipfi; Li guden. Nahone Li guden nga mat a Mudzimu, u nea vha ndivho vhanu pefeso ya uri ri tea u tshila hani kha lino dñvha la zwino.

⁸ Zwino u tsela fhasi, madekwana a namusi, u tou amba na vhoiwi, u ri, "Zwo luga, ndi nga kona u ita *itshi* kana *itsho*, . . ."

⁹ Ndi takalela u amba na vhatu, zwinzhisa vhunga ndi tshi do takalela u ya na hayani na muñwe na muñwe wanu madekwana a namusi. Ndi . . . Mudzimu u a divha uri izwo ndi ngoho. Ndi do takalela u ya hayani na muñwe na muñwe wanu, huno—huno nda la—nda la vhuragane na inwi nga matsheloni, nahone—nahone—nahone nda bva nahone nda yo zwima zwisindi na inwi matshelo nga masiari, ni a vhona. Ndi—ndi do takalela u ita hezwo, fhedzi ndi—ndi nga si kone u zwi ita hezwo. Huno ndi do takalela u ya hayani huno nda tou dzula fhasi nahone nda amba na inwi; nda dzula kha vurannä nga murahu ha tshumelo, huno nda amba na inwi lwa tshifhinganyana, nda amba na inwi nga ha vhulondavhathu hanu na nga ha Mudzimu. Ndi do funa u ita hezwo. Vhanna na vhasadzi ngomu hafha; Mudzimu u a divha uri ndi do takalela u ita hezwo, fhedzi ndi nga si kone u zwi ita. Ni a vhona, hu tou vha na u kokodzwa ho raloho—ho raloho na vhudidini.

¹⁰ Huno—huno kha itshi tshikhathi tsha mazhuluzhulu tshine ra khou tshila khatsho. . . Nahone ndi muthu wa mazhuluzhulu, nne muñe. Namusi thalukanyo yanga ndo i livhisa kha tshiñwe tshithu, "Ndi tou tea u tshi ita," huno matshelo tshi maela dza milioni u bva kha nne; tshiñwe tshithu tsho no tshea ngomu nahone tsha ita *itshi* na *itsho*. Huno ni na tshifhinga, ni tshi khou lingedza u vhulunga witsi dzanu fhethu huthihi.

¹¹ Fhedzi tshihulu tshe nda tshi swikelela ndi u rera Mafhungo—madifha nga kha Tshivhidzo, huno nda ita zwe the zwine nda kona u disa khuliso kha Yesu Kristo kha lino dñvha, musi ndi fhano kha lifhasi, na tshifhinga tshe tsha ntsalela kha lifhasi. Ndi da u—u lingedza u amba tshiñwe tshithu kha inwi tshi no do ni thusa; tshiñwe tshithu. Ndo guda nga murahu ha musi ndo ya hayani matsheloni ano. "Naa ndi nga ambani madekwana a namusi, Murena, tshine tsha do thusa avho vhatu?"

¹² Ndi tshi khou thetselesa uyo mulaedza wa maanda matsheloni ano nga ha. . . Murathu Neville a ri disela wone, nga ha. . . ndo elekanya uri wo vha u tshi mangadza, nga ndila ye a amba heneffo, "Dokotela u do wana tsumbo; fhedzi munna ane a da e na pani yo dalaho dzinele, u nea dzhekiseni." Ngauralo

ndo elekanya uri ilo zwa vhukuma lo vha li li—liambele lituku lavhudzi vhukuma li songo vhibvaho. Ndo elekanya nga halo, “seramu, nga murahu ha musi tsumbo yo no wanwa.” Ngauralo itsho ndi tshithu tshavhuđi nga maanda.

¹³ Ndo ṭoda u amba na vhoinwi nga ha tshiñwe tshithu, u disa tshiñwe tshithu u ni vphonetshela pfulufhedziso ya Mudzimū ya tshino tshikhathi kha inwi. Ni a vhona? Tshiñwe tshithu, hu si tshiñwe tshithu tshe muñwe muthu-vho a vha e khatsho nga liñwe ḋuvha, fhedzi tshiñwe tshithu...nahone musi...Izwo zwithu zwe luga; rothe ri a amba nga ha izwo zwithu. Fhedzi ndo elekanya uri ndi ḍo lingedza u disa tshiñwe tshithu kha ḫalukanyo yañu, nga Mañwalo aya e nda a ñwala hafha, a no ḍo ni vphonetshela, u ðivha, u ni ita sole la khwine mudavhini une na khou lwela khawo zwino; u guda maano a swina, uri ni kone u thivhela tshiñwe na tshiñwe tshi sa athu swika kha inwi, ni a vhona. Itsho ndi tshone tshithu tshihulu, ndi u guda u ita uri ma—mavili a vhe kule na inwi, zwihiulwanesa u ya nga hune na kona.

¹⁴ Zwino, kha ri sedze zwino kha ili jihulwane...lwa miniti i si gathi, ili ḋuvha lihulwane, la zwivhi line ra khou tshila khalo. A thi tendi uri ho vhuya ha vha na ḋuvha le nda vhuya nda vhala kha divhazwakale...Ho no vha na mađuvha mahulwane a mutovholo, musi vhana vha Mudzimu vha tshi vhulawa thungo dzothe. Fhedzi u vhona vhufhura ha swina, na kathihi a ri athu vha na ḋuvha lo raliho line ra khou tshila khalo. Ndi ḋuvha la vhukwila nga maandesa, la vhufhura. Huno ndi tshi vhona izwo, zwi disa izwi, zwauri, Mukriste u tea u fhañuwa lwo engedzeaho ñamusi u fhira zwe a vha e zwone kha tshiñwe tshikhathi.

¹⁵ Zwino, murahu kha maduvha a mutovholo, wa Roma, kha Tshivhidzo; Mukriste a ita phoswo, o vha a tshi dzhena kha vhupo ho vuleaho huno a ñewa ndau uri dzi mu le, kana tshiñwe tshithu tsho raloho, musi vho mu wana uri ndi Mukriste nga nthani ha vhutanzi hawe. Fhedzi muya wawe wo tshidzwa, ngauri o vha e mutendi o ḫambaho tshothe-tshothe, kha Mudzimu, nahone a shatela vhutanzi hawe nga malofha awe nga dakalo. Musi tsinga dzi tshi vulea, kana mabuli muvhilini wawe, huno malofha a shuluwa, o vha a tshi zhamba, e na lutendo lu fulufhedzeaho lwa ngoho, huno a ri, “Tanganedza muya wanga, Murena Yesu!”

¹⁶ Fhedzi, zwino, vhukwila ha diabolo zwino, vhu ita vhathu uri vha tende uri ndi vhone Vhakriste ngeno vha si vhone. Ngetsho tshithu. Inwi a ni tei u shatela...Ndi—ndi ḋuvha la vhukwila ho engedzeaho u fhira zwe la vha li tshi ḍo vha zwone, u fhira musi no vha ni tshi ḍo tea u shatela vhutshilo hanu—hanu nga vhutanzi hanu. Diabolo o rea tshikwekwe tshiñwe na tshiñwe tsha vhukwila tshine a kona, u...Ndi muvhuri. Huno Yesu o ri vhudza, kha Mateo 24, nga ndila ine

ili ḫuvha ḥa ḥo vha ngayo ḥine ra khou tshila khalo, ḫuvha ḥa ḫuhfura nga maandesa ḥe ḥa vhuya ḥa tshila, “tsinisa lune zwa ḥo fhura vhenevho Vhanangiwa vha Mudzimu arali zwo vha zwi tshi konadzea uri ene a fhure.”

¹⁷ Zwino kha ri vhambedze mar̄we Mañwalo, kana zwiporofito zwo ambiwaho Bivhilini, zwa namusi, huno ri zwi vhambedze na ḫuvha ḥine zwino ra khou tshila khalo.

¹⁸ Kha Timotheo Ya Vhuvhili Ya 3, ri guda hezwi, zwauri muporofita o amba, zwauri, “Zwi ḥo khunyelela mađuvhani aya, zwauri vhathu vha ḥo dihudza, vha no ḥonga, vhane vha funa zwa madakalo u fhira u vha vha funaho Mudzimu.” Zwi vhambedzeni izwo zwino, lwa tshifhinganyana. A ri nga.... Ri do tou zwi pfufhifhadza, ngauri a ri na tshifhinga tshinzhi tshingafho tsha u li amba lothe u fana na musi ri tshi tea u li dzhia; fhedzi u tou li kwama nga n̄ha fhedzi, u itela uri ni kone u vhona musi ni tshi swika hayani na li guda. “Vha no dihudza, vha no ḥonga, vhane vha funa zwa madakalo u fhira u vha vha funaho Mudzimu; vha sa vhofhiwi navho fhungo ḥa vha hone, vhasumeleli, vha sa ḫivhofhi, na vhanyadzi vha avho vho lugaho.” “Zwino Muya u tou amba wa bula zwauri izwi zwithu zwi ḥo vha hone mađuvhani a u fhedzisela.” Ayo ndi aya mađuvha, vhuporofita vhu khou amba nao.

¹⁹ Zwino ri a vhala, nahone, kha Dzinzumbululo...14, Dzinzumbululo 3:14, kha ndi ralo, Tshikhathi Tsha Tshivhidzo Tsha Laodikea, uri tshivhidzo tshi ḥo vha hani kha ḥino ḫuvha la u fhedzisela. Huno tshi do vha, li ri, “Tshi ḥo dzula sa tshilikadzi huno tsha sa ḥode tshithu. Tsho—tsho vha tsho pfuma, nahone tsho andelwa nga ndaka, huno tsha sa zwi ḫivhe uri vha vhashai, vha a ḥungufhadza, vho dzhielwa, vha mabofu, nahone vha fhedzi, huno a vho ngo zwi ḫivha.” Tshone... Zwino, elelwani, U khou amba na tshivhidzo tsha tshino tshikhathi, “tsho dzhielwa, tshi bofu, tshi fhedzi, huno a tshi zwi ḫivhi.” Ilo liambele la u fhedza, ilo Ipfi la u fhedza, ndi lone li no zwi ita uri zwi kokodze tshenzhemo nga maanda. Vha elekanya uri vho dala zwavhudi nga Muya, vhothe vho dilugisa. Tshikhathi Tsha Tshivhidzo Tsha Laodikea ndi Tshikhathi Tsha Tshivhidzo Tsha Pentekoste, ngauri ndi tshone tshikhathi tsha u fhedza tsha tshivhidzo. Luther o vha e na mulaedza wawe; Wesley o vha e na mulaedza wawe; huno Pentekoste vho vha vhe na mulaedza wavho.

²⁰ Nahone, lo amba, zwauri, “Ngauri u a dudela, a u fhisí kana wa rothola,” minyanyuwo ya nga nn̄da, muhumbulo wa thalukanyo wa Mafhungo-madifha; “ngauri,” O ri, “u nga iyo nn̄ila, Ndi ḥo u pfa mulomoni Wanga.” Nga mar̄we maipfi, zwo Mu lwadza u vhona tshivhidzo tshi kha iyo nyimele.

²¹ Huno, elelwani, vho Mu pfela nn̄da; huno O vha e nga nn̄da ha tshivhidzo, a tshi khou lingedza u vhuyeleta ngomu, kha itsho Tshikhathi Tsha Tshivhidzo Tsha Laodikea tsho vhifhaho.

²² Mudzimu wa lino shango namusi, muthu a luvhiwaho wa lino shango namusi, ndi Sathane. Huno vhatu vha a dihangwisa uri vha khou luvha Sathane, fhedzi ndi Sathane ene muñe a no khou edzisela tshivhidzo, ni a vhona, sa tshivhidzo. Vha luvha Sathane, vha tshi khou elekanya uri vha khou luvha Mudzimu nga kha tshivhidzo, fhedzi iyo ndi ndila ye Sathane a zwi ita.

“Oo,” inwi ni ri, “fhedzi imani lwa tshifhinganyana; riñe ri rera Ipfi.”

²³ Sedzani murahu hafha kha línwalwa langa, madekwana a namusi. Sathane o vha ene we a rera Ipfi kha Efa, u thoma, “Mudzimu o amba,” ni a vhona.

²⁴ Ndi uho u talutshedza itsho tshipiða tsha Luñwalo nga ndila i si yone hune ha vha na ndeme kha ili ñuvha. U ño ni tendela u ñivha uri zwe ño Yesu a ita zwe vha zwi zwavhudí lwo fhelelaho. U ño ni tendela u ñivha uri zwe ño Mushe a ita zwe vha zwi zwavhudí lwo fhelelaho. Fhedzi musi ni tshi dzhia pfulufhedziso dze Vha nea dza lino ñuvha, zwenezwo Idzo dzo vha na ndeme kha tshinwe tshikhathi. Izwo ndi zwenezwo fhedzi zwine a tea u ita, ni a vhona, ndi u ita vhatu uri vha Li tende nga iyo ndila, huno izwo-izwo ndi zwenezwo fhedzi. Ngauri, “Ni nga si kone u tusa Ipfi lithihi Khañ, kana na engedza ipfi lithihi Khañ.” Fhedzi izwo ndi zwine a ita.

²⁵ Vhatu, vha tshi dihangwisa uri vha khou luvha Sathane, vha tshi khou elekanya uri vha khou luvha Mudzimu; vhunga ri tshi tsivhudzwa nga vhuporofita, kha Vhathesalonika Ya Vhuvhili. Iyo, kha ri i vhale iyo, Vhathesalonika Ya Vhuvhili, ndima ya 2. Kha ri tou i wana nga tshifhinganyana, arali ndi tshi nga kona, nga u tavhanya. Ndi ño takalela u i vhala iyo. I tou vha, ndi a tenda, Vhathesalonika Ya Vhuvhili. Ndi na Luñwalo hafha. Kha Ya Vhuvhili...

*Zwino ri a ni humbela, vharathu, nga u da ha ene
Murena Yesu...na nga hone u kuvhangana hashu kha
ene,*

²⁶ Zwino, ni a vhona, “u ña ha Murena, na u kuvhangana kha Ene,” vhunga Mudzimu a tshi do kuvhanganya vhatu Vhawe kha Ene maduvhani a u fhedzisela. “U kuvhangana ha vhatu kha Murena,” hu si kha tshivhidzo, “kha Murena; u kuvhangana kha Ene.”

*Uri ni songo tavhanya u dzinginywa ñhalukanyoni
yanu, kana...na dinwa—na dinwa, naho hu nga
muya, kana...ipfi, kana nga luñwalo lu bvaho kha
riñe, vhunga...ñuvha la Murena li tsini.*

*Ni songo tenda muthu a tshi ni fhura nga maitele
namusi e afhio: ngauri ilo ñuvha li nga si ñe, nnñani
ha musi hu tshi thoma ha ña u shanduka, huno uyo*

munna wa tshivhi (“munna wa tshivhi,” sedzani zwine a vha zwone zwino), ene *munna wa tshivhi a dzumbululwe, murwa wa tshinyalo*, (uyo o vha e Yudasi, ni a vhona);

A lwaho *nahone a hulisa ene muñe nga nt̄ha ha zwothe zwi no vhidzwa Mudzimu, kana uyo a no luv̄hiwa; uri ene sa Mudzimu u dzula thembeleni ya Mudzimu, a tshi disumbedza uri ndi ene Mudzimu.*

²⁷ Uvho vhufhura ha tshivhidzo tsha ñamusi! Ni a vhona, “murwa wa tshinyalo,” diabolo. “Murwa wa tshinyalo,” diabolo. Zwenezwo, vhathu vha no luvha Sathane kha lino duvha, vha tshi khou elekanya uri vha khou luvha Mudzimu. Fhedzi vha khou mu shumela nga ndaela, dinomineisheni dzo itwaho nga muthu na ndaela dzo disaho vhathu heneffo phasi kha vhufhura vhuhulwanesa he shango li sa athu vhuya la vhu ñivha. A hu londwi uri ndi lingafhani Ipfi la Mudzimu lo fulufhedziswaho lino duvha, li no khou rerwa na u khwathisedzwa, vha kha di vha vhane vha sa do Li tenda. A vha nga do Li tenda.

²⁸ Zwenezwo ndi ngani? Ri a mangala uri ndi ngani. Ndi ngani tshi sa iti; ndi ngani vha sa do Li tenda? Musi Mudzimu o amba uri U do ita tshinwe tshithu, huno A tshi ita, huno vha di vha vha tshi kha di tshi furalela nahone vha fhambana natsho. U tou fana na Efa o ñivha uri zwe Mudzimu a amba, Mudzimu u do ita; fhedzi o zwi furalela, u thetshelesa kha zwe a do tea u amba.

²⁹ Itonu elelwa, kha zwiñwe zwikhathi, tshifhinga tshothe zwe vha zwenezwo zwithihi. Kha tshikhathi tshiñwe na tshiñwe, tshifhinga tshothe ho vha Sathane a no lingedza u shanda ilo Ipfi khavho, a tshi vha ita uri vha vhone tshiñwe tshikhathi.

³⁰ Sedzani, musi Yesu a tshi ña, ni a vhona, Sathane o vha e kha itsyo tshivhalonyana tsha vhadededzi vha Vhayuda, na vhorabi na vhotshifhe, a tshi khou lingedza u vha vhudza uri vha vhulunge mulayo wa Mushe, ngeno lenelo Ipfi lo amba zwauri nga ilo duvha Murwa-muthu u do dzumbululwa, ni a vhona, uri U do Didzumbulula. Ngauralo vho vha vha tshi khou lingedza, zwenezwo vho ita uri vha dzule vhe vha vhurereli, na kha mulayo wa Mushe. Ni a vhona zwe a ita? O vha a tshi khou lingedza u vha vhudza, “Itsho tshipida tsha Ipfi ndi tshone kokotolo, fhedzi uyu Munna a si uyo Muthu.” Ni a vhona uri u fhura hani? Ilo ndi ilo duvha vhukuma la vhufhura.

³¹ Ho vha, huno zwino ndi, Sathane a no khou imisa muvhuso wawe kha liphasi. Izwo ndi zwone kokotolo uri ndi ngani a tshi khou zwi ita, ngauri u todou imisa muvhuso wawe ene muñe.

³² Sa ramabindu, ane a sa vhe Mukriste, u do shuma tshikimu tshiñwe na tshiñwe tshire a kona u ni ita urí ni vhone tshiñwe tshithu nga ndila yo khakheaho. Arali a na ndi—ndivho na mbuelo yawe nga u ni ita uri ni ite izwo, a tshi khou ni ita

uri ni tshi vhone nga iyo ndila, u do ni sumbedza tshiñwe na tshiñwe tshine a kona, nahone a ni ita uri ni vhe kule ha ngoho yatsho, ngauri u na vhudipfi ha ene munę fhedzi. A hu londwi uri u zwifha zwingafhani na u fhura, na zwiñwe two engedzeaho, u na mbuelo yawe.

³³ Huno izwo ndi ngazwo Sañhane o ita hezwi. Huno o shuma nga kha mushumo u zwi ita, vhunga Mudzimu o fulufhedzisa uri u do ita. Zwino, o thoma nga vhufhura ha vhurereli Edeni, huno o bvela phanda u bva tsheetsho.

³⁴ Hu si nga u dzudzanya tshivhalonyana tsha makomunisi. Makomunisi ha na mushumo na hezwi. Ndi tshivhidzo, afho ndi hone hune na tea u sedzesu, ni a vhona. A si—a si makomunisi a no do fhura vhenevho Vhanangiwa. Ndi tshivhidzo tshine tsha do fhura vhenevho Vhanangiwa, ni a vhona. A si makomunisi; ri a divha uri a landula Mudzimu, huno ndi one mulwanakristo, ngoho a zwenezwo, nga mulayo, fhedzi a si one *ene* mulwanakristo. Mulwanakristo u a rerela, u a rerela nga maanda, huno u kona u redza Luñwalo, huno a Lu ita uri lu pfale nga maanda.

³⁵ Vhunga Sañhane o ita murahu ngei mathomoni, o redza tshiñwe na tshiñwe u tsa phasi, “Mudzimu o ri, ‘Iwe u songo la muri muriwe na muñwe wa ngade.’” Ni a vhona, o Li redza la bva.

³⁶ A ri, “Ee, ri nga la miri yothe ya ngade, fhedzi hu na muri vhukati ha ngade we Mudzimu a ri u songo liwa, ngauri, u songo vhuya wa kwamiwa; ngauri, duvha line ra ita, ilo duvha ri do fa.”

³⁷ A ri, “Oo, ngangoho a ni nga do fa. Fhedzi i ri ni ndi ni nee tsho itisaho uri Mudzimu a ambe hezwi, ndi ngauri...” Ni a vhona, zwino u ita mini? O redza iyi Ngoho, ni a vhona. O ri, “U do vula maño au, nahone u do u ita uri u divhe vhudi na vhuvhi. U do nga Mudzimu, arali u tshi nga zwi ita.”

³⁸ Izwo zwi tou vha zwine a ḥodou ita, huno izwo zwi tou vha zwenezwo zwithihi zwine a khou lingedza u ita namusi. Ho vha na vhufhura ha vhurereli u bva zwenezwiла mathomoni ngei Edeni, nahone ho vha nga u ralo u bva tsheetsho. Tshifhingani tsha Adamu, ho vha hu vhufhura. Tshifhingani tsha Noaxe, ho vha hu vhufhura. Tshifhingani tsha Yesu, two vha zwi zwenezwo zwithihi. Huno zwino ndi yeneyo ndila nthihi, yeneyo nthihi, vhufhura ha vhurereli!

³⁹ Zwino, ri do dzhiela nzhele lifhasi, musi Mudzimu o vha e naļo phasi ha ndango. Zwino, musi Mudzimu o vha naļo uri li lange... o vha e naļo phasi ha ndango Yawe. Zwenezwo musi Sañhane a tshi li dzhia, nga u hana Ipfi la Mudzimu. Mudzimu nga tshiñwe tshifhinga o vha e na lifhasi phasi ha ndango Yawe. O li vhea kha obithi yaļo. O li vhea, a li ita uri li shume. O ita tshiñwe na tshiñwe, a vha naļo kha ndango Yawe. Zwino izwo ri do zwi vhambedza na nga murahu ha musi Sañhane o no li dzhia kha ndango yawe.

⁴⁰ Zwino, zwo dzhia Mudzimu miñwaha ya zwigidi zwa rathi. A zwo ngo Mu dzhia tshifhinga tshilapfu tshingafho, fhedzi O dzhia tshifhinga tshingafho. Miñwaha ya zwigidi zwa rathi, ngauri ri a funzwa zwauri “duvha lithihi ngei Tađulu ndi miñwaha ya tshigidi kha liphasi,” huno ho vha hu miñwaha ya zwigidi zwa rathi, kana mađuvha a rathi e Mudzimu a fhađa liphasi. Zwino, zwo dzhia Mudzimu miñwaha ya zwigidi zwa rathi u li imisa, u li zwala mbeu yavhudi na u bveledza tshiñwe na tshiñwe u ya nga lushaka lwatsho. Tshiñwe na tshiñwe tshi fanela u bvelela u ya nga lushaka lwatsho. Mbeu Dzawe dzođhe dzo vha dici dzavhuđi, huno ngauralo i fanela u bveledza u ya nga lushaka lwayo. Mudzimu o dzhia miñwaha ya zwigidi zwa rathi.

⁴¹ Mafhedzisloni, musi O fhedza u li ita lođhe, huno mafhedzisloni ra...mafhedzisloni lo swika na hedikotasi dzađo, dza liphasi, fhethu ho nakaho hu re vhubbvađuvha ha Edeni, hu no vhidzwa ngade ya Edeni. Mudzimu o ita hedikotasi dza shango ngadeni ya Edeni, kha la Egipita, heneffho magumoni a vhubbvađuvha ha ngade ho vha hu hedikotasi.

⁴² Huno kha nzulele yođhe, O vhea murwa Wawe na mufumakadzi wa murwa Wawe, khayo yođhe. Izwo ndi zwone. Izwo ndi zwe Mudzimu a ita. O vha vhea kha ndango yo dalaho. Vho vha vha tshi kona u amba na mimuya, huno ya ima u vhudzula. Vho vha vha tshi amba na muri, huno wa sudzuluwa u bva hafha u ya hangei.

⁴³ Ndaū na phele dzo la dzođhe, huno ngwana yo lala nadzo. Ho vha hu si na vhuvhi. Ho vha hu mulalo wo fhelelaho, nyandano yo fhelelaho, tshiñwe na tshiñwe tshi kha khunyelelo, na musi Mudzimu o vha e nayo fhasi ha ndango Yawe. Huno dzhielani nzhele, O vha e na Ławe...O vha e na shango Ławe, O vha e na zwođhe zwi tshi shuma. O vha e na tshiñwe na tshiñwe tshi tshi da. Tshiñwe na tshiñwe tshi tshi la zwimela; hu si na tsho teaho u fa, hu si na tsho teaho u tshinyadziwa, hu si na tsho teaho u tshinyiwa. Hu si na tshithu...Ho vha hu tshi tou vha ho fhelelaho.

⁴⁴ Huno khađo lođhe, O vhea vhana Vhawe vha funwaho, murwa Wawe na ñwananyana Wawe, munna na mufumakadzi, u li langa.

⁴⁵ Mudzimu o vha o fushea nga maanda! “Huno A awela kha mishumo Yawe yođhe, nga duvha la vhusumbe,” huno a khethefhadza sabatha iyi ya duvha la vhusumbe a tshi itela Ene.

⁴⁶ Ngauri, Mudzimu o li sedza lođhe, nga murahu ha musi O no fhedza miñwaha ya zwigidi zwa rathi a tshi khou li vhumba na u li lugisa, a tshi khou li ita uri li vhe hone; huno a vhea dzithavha, huno a ita uri thavhadungi dici sukumedze dzithavha n̄tha, huno zwithu zwe zwa itea kha mithuthubo; zwa li omisa, huno zwa li lugisa nga ndila ye A vha nađo. Huno ho vha hu fhethu ho nakaho.

⁴⁷ Ho vha hu si na tshithu tshi no nga lone, pharadiso khulwane dza Mudzimu! Huno dzidinosaro khulwane, na zwinwe-vho zwinzhi, zwi tshi kokovha khalo, na zwa dziphukha khulwane; hu si na tshinyadzo khadzo. Dzo vha dzi tshi tou vha na vhulenda sa tshimangana tshituku. Dzo vha dzi si na tshithu na luthihi; hu si na—hu si na vhulwadze, hu si na vhutungu; hu si na na kutzhili kwa vhulwadze kha lifhasi. Oo, ndi fhethu-de nandi!

⁴⁸ Zwinoni zwhulwane zwi tshi dembelela u bva kha muri u ya kha muri, huno Adamu o vha a tshi kona u zwi vhidza nga dzina, huno zwe vha zwi tshi fhufhela ntha ha mahada awe huno—huno zwa mu lilela. Huno, oo, ndi fhethu hu mangadzaho-de nandi he Mudzimu a vha e naho!

⁴⁹ Huno zwenezwo a ita tshinwe tsha zwitaluli Zwawe zwi bvaho kha Muvhili Wawe Ene muñe. Mudzimu u na zwitaluli Muvhilini Wawe.

⁵⁰ Vhunga, inwi ni tshitaluli tsha khotsi anu. Huno, inwi ni a dzhieila nzhele, no vha ni kha tsha makhulu vha mukalaha vha makhulu vha mukalaha vha makhulu vha mukalaha. Fhedzi, kha izwo, kha ri ri, ri do zwi disa fhasi kha u fana na inwi na khotsi anu. Zwino, a no ngo divha tshinwe tshithu musi no vha ni kha khotsi anu. Kutzhili kwa vhutshilo ku bva kha wa tshinna. Wa tshinna u na sele ya malofha; musadzi u na gu—gumba; zwino, ngauralo-ha, sele ya malofha i na vhutshilo ngomu hayo. Huno, zwenezwo, musi no vha ni kha khotsi anu, inwi zwa vhukuma a no ngo divha tshithu nga hazwo. Fhedzi, naho zwe ralo, saints na Ipfi la Mudzimu zwi sumbedza uri no vha ni kha khotsi anu, fhedzi a no ngo divha tshithu nga hazwo.

⁵¹ Fhedzi zwenezwo khotsi a tulutshelwa u ni divha. Huno nga thanganyo ya vhuthihi na mme, zwenezwo na divhadzwa kha khotsi. Zwino, inwi ni tshitaluli tsha khotsi anu. Ni vhonala ni tshi nga ene, huno ni na mirado ya muvhili wañu i vhonala i tshi nga khotsi anu.

⁵² Zwino, iyo ndi ndila ye Mudzimu a vha e ngayo mathomoni. Murwa muñwe na muñwe wa Mudzimu na ñwananyana muñwe na muñwe wa Mudzimu o vha e kha Mudzimu mathomoni. Inwi a ni zwi elelwi zwino, fhedzi no vha ni hone. O zwi divha. Huno O ḥoda inwi ni tshi vha nga ndila ine A do ni kwama, a amba na inwi huno a ni funa, nähone a ni khada.

⁵³ Naa a ni ḥodi mutukana wañu inwi muñe...Naa a si lone ḫuvha likhulwane musi mutukana wañu a tshi nga da hayani huno a dzula fhasi ṭafulani? Musi a tshi vhuya a tshi bva mudavhini wa nndwa, kana tshinwe tshithu-vho, e na mavhadzi; nga ndila ine na do lugisa tshiswiṭulo; inwi ni vhulaha ḥamana yo nonaho, kana zwinwe-vho zwinzhi, huno

na mu lugisela! Ndi nama na malofha aŋu inwi muŋe, huno o vha e kha inwi. Inwi a no ngo mu ɖivha tshifhingani itsho, fhedzi no zwi ɖivha uri o vha e hone.

⁵⁴ Huno ngauralo Mudzimu o ɖivha uri ri do vha fhano, fhedzi zwenezwo A ri vhea ɳamani uri ri kone u kwamiwa. Uri A kone u kwama, U vha muŋwe washu musi A tshi vha Yesu Kristo, Murwa wa Mudzimu Ene muŋe, vhudalo ha u vhonadzwa ha Mudzimu. Ngauralo-ha iyo yo vha i ndivho ya Mudzimu, u ɣana zwiṭaluli Zwawe kha vhūṭama.

⁵⁵ Musi ndo vha ndi kha khotsi anga, a tho ngo ɖivha tshithu nga hazwo. Fhedzi musi ndi tshi vha murwa wavho huno nda bebwa ngavho, ndo vha ndi tshiṭaluli, tshipiḍa tsha khotsi anga. Huno inwi ni tshipiḍa tsha khotsi aŋu.

⁵⁶ Huno sa vhana vha Mudzimu, ri tshipiḍa tsha tshiṭaluli tsha Mudzimu tshe tsha vha tshi Khae, tsho itwaho ɳama vhunga Ene o itwa ɳama, uri ri kone u vha na vhūṭama nga tshashu, sa muṭa wa Mudzimu kha liphasi. Huno iyo yo vha i ndivho ya Mudzimu ngei mathomoni. Ee, muŋe wanga. Izwo ndi zwe Mudzimu a ḥoda ngei mathomoni.

⁵⁷ O vha e na tshiŋwe na tshiŋwe phasi ha ndango. Huno O rembulusela muthu ngadeni ya Edeni, nga u tshila o vhofholowa; a ri, “Murwa, ndi yau.”

⁵⁸ Ndi fhethu ho nakaho-de nandi! Mudzimu o vha o fushea nga maanda, u swika A tshi tou humela murahu huno a awela kha mishumo Yawe yothe. Muri muŋwe na muŋwe a wo ngo bveledza mipfa na mitshetshete na kathihi. A hu na mbula dze dza vhuya dza bva kha muri wa mipfa. Tshiŋwe na tshiŋwe tsho vha tsho fhelela. Mbeu dzothe dzo vha dzo fhelela. Tshiŋwe na tshiŋwe tsho vha tshi kha nyimele yo fhelelaho.

⁵⁹ Zwenezwo musi O ya u awelanyana, swina Lawe la nangavhedza nga vhufhura, huno la i dzhia, nga u talutshedza mbekanyamushumo Yawe nga ndila i si yone kha vhana Vhawe. Musi, O vhea fulufhelo kha ንwananyana waŋu musi a tshi bva vhusiku na munna; musi ni tshi vhea fulufhelo kha murwa waŋu musi a tshi tea u ɣuwa na mutukana a no nwa kana mutukana a no dah. Ni a vhona, O vhea fulufhelo kha murwa Wawe, uri a nga si ite tshiŋwe tshithu tsho khakheaho, huno u do vhulunga Ipfi linwe na linwe le A amba. Fhedzi swina lo nangavhedza; vhunga uyo muthu wa u ungeledza na u sa fulufhedzea a no do bva na ንwananyana waŋu huno a sa difare; kana-kana muŋwe musadzi a tshi do dzhia, a bva na murwa waŋu, na zwenezwo zwithihi. Ni a vhona, o nengeledza. Swina la Mudzimu lo nangavhedza huno la talutshedza Ipfi nga ndila i si yone kha Efā.

⁶⁰ Zwino, ene, nga u wa uhu, o dzhia nahone ngade ya Edeni a i ita yawe, ene muŋe. O i dzhia. Huno zwino o no vha na

miñwaha ya zwigidi zwa rathi ya muvhuso wa vhufhura; a tshi khou fhura vhathu, vhana vha Mudzimu, sa zwe a ita tshifhingani itsho. Ngauri, vho vha vho tewa kha u tshila vho vhofholowa, u difara nga iñwe ndila ye vha tama. Huno a tshi tenda uri vha do ñifara nga ndila yone, kana a tshi fulufhela uri vha do ñifara nga ndila yone, zwenezwo vha da na nyito yo khakheaho, nahone vha rengisa vhutanzhe havho, vhunga Esau o ita, a tshi itela shango. Huno Sañhane o li wina, nahone a li dzhia. Huno o no vha na miñwaha ya zwigidi zwa rathi kha u fhaña Edeni yawe, vhunga Mudzimu o vha na miñwaha ya zwigidi zwa rathi kha u khunyeledza Edeni Yawe. Huno nga vhufhura, vhufhura ha Ipfi, kana vhathu, zwino o imisa Edeni yawe ene muñe kha lino liphasi, tshivhini.

⁶¹ Edeni ya Mudzimu yo imiswa nga u luga. Edeni ya Sañhane yo imiswa tshivhini, ngauri Sañhane ndi tshivhi. Mudzimu ndi u luga, huno muvhuso wa Mudzimu wo imiswa nga u luga, na mulalo, na Vhutshilo. Huno u imisa ha Sañhane hu tshivhini, nahone tshivhi tsha vhurereli.

⁶² Dzhelani nzhele uri o fhura hani, vhufhura hawe, vhunga o amba uri u do ralo. O fulufhedzisa u ita hezwi. Naa muñwe muthu o zwi ñivha izwo? Kha ri ye kha Yesaya, arali ni tshi tðoda mariwe a haya Maiwalo. Arali inwi...ndi tea u redza o engedzeaho ao, ndi a humbulela. Kha ri ye kha Yesaya ndima ya 14, lwa tshifhinganyana, huno ri tou vhona zwe Sañhane a amba hafha, lwa tshifhinganyana. Kha Yesaya 14, ri do i vhala, huno ra sedza zwe uyu muthu a ita. Yesaya 14, ri thoma nga ndimana ya 12.

*Wo wa hani u tshi bva ñadulu, Oo Lusifa, murwa wa
nga matshelon! wo ñhakhiwa hani wa wela fhasi, we
wa kula nungo dza ñitzshakha!*

*Ngauri iwe wo amba mbiluni yau, ndi do gonya
ñadulu, ndi do hulisa khuluñoni yanga nga n̄tha ha
dzinaledzi (avho ndi vharwa), ñaledzi dza Mudzimu:
huno ndi do dzula na kha thavha ya tshivhidzo, ...nga
thungo ya devhula:*

Huno ndi do gonya nga n̄tha ha makole; huno ndi do
nga Wañaduluñadulu.

⁶³ Zwino vhambedzani izwo nga hangeno na mariwe Mariwalo ashu nga hangei kha Vhathesalonika, tshifhinganyana tsho fhiraho, nga ndila ye a ri, "U dzula thembeleni ya Mudzimu, a tshi dihudza u fhira zwoñthe zwi no vhidzwa Mudzimu, uri ene sa Mudzimu a luhhiwe sa Mudzimu kha liphasi."

⁶⁴ Ngoyo mudzimu wa lino shango we nda ni rerela nga nga hae Swondaha yo fhiraho. Ngoyu ñamusi kha vhufhura, iyo awara i sa fulufhedzei, itsho tshifhinga tshi ofhisaho tshine ra khou tshila khatsho. Ndi tshifhinga tsha vhugala nga maandesa tsha zwikhathi zwoñthe, ngauri ro livhana na Ñwahagidi

muhulwane hafhu; ro livhana na Edeni hafhu. Fhedzi henefha kha itshi tshikhathi, vhufhura hothe na maano maiwe na maiwe e a vhuaya a a shumisa huno a kona u fhura ngao, o a kuvhanganya fhethu huthihi huno a dikhwaθhisu; huno a tsela fhasi vhunga Mudzimu, huno o divheā fhethu ha Mudzimu; wa vhurereli, huno u kona u redza Luñwalo nahone a nga ni vhudza Luñwalo, u tou fana na Sathane o ita kha Efa ngadeni ya Edeni. Fhedzi u sia fhethu huthihi Hało, ndi zwone fhedzi zwine a tea u ita, u ita itsho tshibuli, hune pfunzo ya mulimo ya diabolo i nga kona u shela nga khaho, vhunga Sefo ya munna a elekanyaho ye ra vha ri tshi khou amba nga hayo vhuñwe vhusiku.

⁶⁵ Zwino, o ri u do dīhudza u fhira Waładuluładulu; u do gonya nga n̄tha ha makole na dzinaledzi, huno u do dzula henefho vhunga Mudzimu, nahone a fhira Waładuluładulu. Huno o vułedza kha u ita mishushedzo yawe. Ene zwa vhukuma o no vha na mvelelo i mangadzaho kha u ita mishushedzo yawe, nga vhathe vha no mu tendela u łałutshedza nga ndila i si yone, kha tshikhathi tshiñwe na tshiñwe, ndeme ya Ipfi lo fulufhedziswaho la Mudzimu kha itsho tshikhathi. Izwo ndi zwone kokotolo nga ndila ye a zwi ita. Kha tshikhathi tshiñwe na tshiñwe, o Li łałutshedza nga ndila i si yone.

⁶⁶ Mađuvhani a Noaxe, o łałutshedza uri zwo vha zwi sa konadzei uri i ne i tshi bva tađulu, ngauri, “a hu na mvula hangei n̄tha.” Mafhungo-mađifha awe mahulwane a saintsie a a rera ngadeni ya Edeni! O kona u thuntshela zwishumiswa n̄wedzini nahone a sumbedza uri a hu na munuñu hangei n̄tha. Fhedzi Mudzimu o ri hu do da mvula. Fhedzi Sañhane o vułedza, nahone a dzhenisa mūlimo łałukanyoni ya vhathe, nga thodisiso ya saintsie, uri, “zwi nga si kone u itwa.” Fhedzi zwo itwa. Mudzimu o ri zwi do itwa, huno zwa itwa. O ita.

⁶⁷ Zwino, mađuvhani a—a Yesu, o ita zwenezwo zwithihi. O dzhenisa mulimo łałukanyoni yavho hafhu nga vhufhura, ni a vthona, a tshi khou łałutshedza Ipfi nga ndila i si yone. “Arali Iwe u Murwa wa Mudzimu, zwino kha ndi vhone U tshi ita tshiñwe tshithu nga hazwo.”

⁶⁸ Yesu ho ngo mu swaswedza. Na kathihi ho ngo ita. Mudzimu a si mudzia-miswaswo. Ha tei u fhindula tshiñwe na tshiñwe tshine Sathane a vhudzisa. O vha fhedzi na... Yesu o ri, “Zwo n̄waliwa, ‘Iwe u nga si tshile... Muthu a nga si tshile nga tshinnkwa fhedzi, fhedzi nga Ipfi l̄inwe na l̄inwe li bvaho mulomoni wa Mudzimu.” Ni a vthona, O vha a songo tea u swaswa, khae. O vha a songo tea u ita tshinnkwa. O vha a tshi do vha o tshi ita, fhedzi O vha a tshi do vha o thetshelesa diabolo, ngauralo O vha a songo tea u thetshelesa diabolo.

⁶⁹ Huno hafhu ndi tshivhi tsha vhurereli, sa ngei mathomoni, zwi fhura nga maanda. Zwi sedzeseni zwino. A hu tou vha

tsho^{the}-tsho^{the} tshivhi tsha kale tsha ḫuvha li^{nwe} na li^{nwe}, u ita vhupombwe na u kambiwa, na u shumisa Dzīna la Mudzimu nga fhedzi. Izwo a si zwone. Hai.

⁷⁰ Inwi ni a elelwa mi^{nwaha} yo fhiraho, vhunzhi hanu fhano, no ḫaho kale, ni elelwa iyo theroye nda rera, nga ha, *U Shoniswa Kha Khathulo*. Phombwe, a i khou yo shoniswa hangei. I a divha hune ya khou ya. Tshidakwa a tshi khou yo shoniswa hangei. Murengisi wa halwa, mugembuli, muzwifhi, fobvu, a li khou yo shoniswa. Fhedzi, uyo munna a no elekanya uri u ita zwone, ngoho u shoniswa.

⁷¹ Uyo ndi uyo muthu, a no ri, a no ḫa a ri, “Murena, naa a tho ngo rera Mafhungo-ma^{di}fha, naa a tho ngo pandela vhodiabolo, nga Dzina Lau?”

⁷² Yesu o ri, “Tuwani kha inwi...kha N^{ne}, inwi a no ita vhutshinyi. Na kathihi A tho ngo vhuya nda ni divha.” Ngoho u shoniswa, ni a vhona, uvho vhufhura.

⁷³ Izwo ndi zwine ndi sa fhidzi nda...afho ndi hune nda sa pфesesiwe nga manda. A si uri ndi ḫodou vha o fhambanaho. A thi ḫodi u vha o fhambanaho, fhedzi ndi tea u vha a fhulufhedzeaho. Ndi na Mulaedza, huno Uyo u fanela u ya kha vhathu. U zwi ita uri zwi si pфesesee nga manda vhukati ha vhathu. Vha elekanya uri ndi lwa na mu^{nwe} na mu^{nwe}. Vha divha fhedzi, uri ndi wa mu^{nwe} na mu^{nwe}, nahone ndi khou lingedza zwa khwinesa u vha disela zwine zwa vha Ngoho, vhunga yo tou vhewa kha mbilu yangana nga ndila ye ya vhewa ngayo Bivhilini hafha. Huno Mudzimu u sumbedza izwo zwi Ngoho, ngauralo a hu na tshi^{nwe} tshithu-vho tshine tshi nga itwa nga hazwo. Ngauralo, vha a Li sedza, kana a vha ralo.

⁷⁴ Ni a vhona, a vha ḫodi u Li vhona, ngauri vho no direngisa, vho rengisa vhutanzhe havho kha li^{nwe} dzangano, i^{nwe} dinomineisheni; u lingedza vhutanzhe havho, u ya Ta^dulu vhe kha theo ya vhuri^{nwe} vhurereli ho dzudzanyiwaho, vhune Sa^thane a vha thoho ya tshipi^{da} tshi^{nwe} na tshi^{nwe} tshaho. Mudzimu na kathihi ho ngo vha na vhurereli ho dzudzanyiwaho, na kathihi ho ngo ralo. Huno vha kwambatela zwenezwo, hune vha, vhanna vha re tshivhalonyana, vha ḫalutshedza Ipfi huno vha ri Li amba *itshi* nahone Li amba *itsho*.

⁷⁵ Mudzimu ha ḫodi mu^ñalutshedzi. U ita ḫalutshedzo Yawe Ene mu^{nwe}. Ha ḫodi mu^{nwe} muthu-vho wa u Mu vhudza uri zwi itwa hani. O ima nga e^{the}. O amba uri U do zwi ita hani, huno iyo ndi ndila ine A fanela u vhulunga Ipfi Lawe. Musi O ri, “Izwi zwiga zwi do tevhela vhane vha tenda,” O amba zwenezwo. Tshi^{nwe} na tshi^{nwe} tshe A amba uri tshi do itea, A amba uri tshi do bvelela ma^ñuvhani aya a u fhedzisela, uri U do ita zwi^{nwe} zwithu, huno A zwi ita. Ho ngo tea u vhudzisa muthu uri kana ndi tshifhinga kana hai. U a divha zwine tshifhinga tsha vha zwone, na zwine pu^ñane ya vha zwone.

⁷⁶ Zwino, Saṭhane, uyu mufhuri, sa zwe a ambiwa kha Mateo 24:24, e na vhufhura vhungafha. Zwino, ri wana uri nga mbekanyamushumo dza mafhungo-madifha awe a ndivho, pfunzo ya khwine, mikhwa mivhuya ya n̄tha, vhutshilo-tshothe, na zwiñwe-vho, dzo lowa vhatu vha no ḥoda u shumela Mudzimu, kha u tenda mazwifhi awe.

⁷⁷ Efa ho ngo ḥoda u ita hezwo, fhedzi o mu sumbedza uri ho vha hu na vhuṭali ho engedzeaho hani khazwo. Ho ngo ḫivha; o vha a tshi ḥodou ḫivha. Ho ngo pfectesa, fhedzi o ḥoda u pfectesa. Huno Mudzimu o mu vhudza uri a songo lingedza u pfectesa.

⁷⁸ Ndi nga kona hani u pfectesa tshiñwe tsha izwi zwithu? A thi koni u zwi pfectesa. Ndi a zwi tenda. A thi tei u zwi pfectesa. Mudzimu ndi lutendo, huno a si pfecteso. Ri tou tenda zwe A amba.

⁷⁹ Zwino, vhambedzani Edeni ya Mudzimu na ya Saṭhane zwino, nga murahu ha miñwaha ya zwigidi zwa rathi ya u shanda ḥhalutshedzo ya ngoho ya Ipfi la Mudzimu lo fulufhedziswaho kha tshikhathi. Kha ri zwi vhambedze zwino, huno ri vhone hune ra swika hone. Vhunga o ita kha tshivhidzo nga—nga tshifhinga tsha Kristo, kha Yesu, a tshi khou lingedza u thivhela—u thivhela vharwa vha fulufhedzeaho vha Mudzimu u ḫivha Ngoho. Avho ndi vha Mudzimu. Mudzimu o vhea vharwa Vhawe fhano, zwiṭaluli Zwawe, u vha na vhuṭama Nae nga u pfa Ipfi Ḍawē.

⁸⁰ Mini-ha arali khotsi aṇu vho ni vhudza, huno ni murwa a fulufhedzeaho kha khotsi aṇu, huno vho ni vhudza, “Murwa, ni songo ya na dzhena kha aṭa mađi ngei nn̄da, ni tshi khou bambela, ngauri hu na vhatshimbidzagungwa kha ayo mađi”; huno muthu a vhuya, a ri, “Ngangoho, mađi avhudī a no nga ayo, a hu na vhatshimbidzagungwa ngomu hao”? Zwino inwi ni khou yo thetshelisa nnyi? Arali ni murwa wa vhukumakuma, ni ḥo thetshelisa khotsi aṇu.

⁸¹ Huno murwa wa vhukumakuma kana ḥwananyana wa Mudzimu u dzhia Ipfi la Mudzimu u thoma. A thi londi zwine muñwe muthu-vho a amba nga hazwo, vha dzhia Ipfi la Mudzimu u thoma. “Hu na mulimo khaphuni,” huno vha a zwi tenda.

⁸² Dzi na lutendo kha Ipfi Ḍawē ḥothe, Mbeu Dzawe, dzo ḥisa Edeni ya vhukhethwa, lufuno, na Vhutshilo Vhu Sa Pheli. Izwo ndi zwe Edeni ya Mudzimu ya bveledza, vhukhethwa. Huno zwo ḥisa Edeni ya vhukhethwa, ya lufuno, pfecteso, khunyelelo, na Vhutshilo Vhu Sa Pheli. Izwo ndi zwine Mudzimu a khou zwi zwala, Ipfi Ḍawē, Mbeu Yawe. Izwo ndi zwine Tshivhidzo Tshawe tsha ḥo vha zwone vhufheloni; Tshi ḥo vha zwenezwo zwithihi.

⁸³ Dzhielani nzhele, muhumbulo ngoyu. Ni songo u hangwa. Ndi ḥo swika khawo nga tshiñwe tshifhinga kana kha muñwe

Mulaedza. Fhedzi, ni a divha, Mudzimu o ri, “Mbeu iñwe na iñwe kha i bveledza zwa lushaka lwayo.” Naa uyo ndi mulayo wa Mudzimu? Naa zwi farisani muñwe mureri, kana muñwe muthu-vho, a tshi lingedza u ita ilo Ipfi uri li ambe tshiñwe tshithu-vho? Ni a vhona, Ipfi la Mudzimu liñwe na liñwe ndi Mbeu. Yesu o amba nga u ralo, “Mbeu ye muzwali a zwala.” Ngauralo arali Marko 16 i Ipfi la Mudzimu, i do bveledza zwa lushaka lwayo. Arali Maleaxi 4 i Ipfi la Mudzimu, i do bveledza zwa lushaka lwayo. Huno pfulufhedziso iñwe na iñwe-vho i fanela u bveledza zwa lushaka lwayo.

⁸⁴ Ni a vhona, ni a vhona Sathane ngeno nn̄da a tshi khou dikanganyedza? U khou lingedza u ri, “A zwi, a zwo ngo ralo.” Naa ni a zwi pfesesa? [Tshivhidzo tshi ri, “Amene.”—Mudz.] Ni a vhona, Sathane u ri, “Oo, Izwo a si zwa lino duvha. Izwo, izwo—izwo ndi... Izwo zwo vha zwi nga tshiñwe tshifhinga. Izwo, izwo a zwi vhuyi zwa amba hezwo.”

⁸⁵ “Mbeu iñwe na iñwe i fanela u bvelela u ya nga lushaka lwayo.” Iyo ndi ndila ye Mudzimu a imisa Edeni Yawe. Naa izwo ndi zwone? [Tshivhidzo tshi ri, “Amene.”—Mudz.] Huno ngeyi, iyo ndi ndila ine Mudzimu a imisa Tshivhidzo Tshawe, Ipfi liñwe na liñwe u ya nga lushaka Lwalo! “Muthu a nga si tshile nga tshinnkwa fhedzi, fhedzi nga Ipfi liñwe na liñwe li bvaho mulomoni wa Mudzimu.” Ni a vhona? Sathane, u do dzhia tshiñwe tshithu-vho. Fhedzi Mudzimu o ri, “Mbeu iñwe na iñwe u ya nga lushaka lwayo.”

⁸⁶ Arali pfulufhedziso yo ri, “Izwi zwiga zwi do tevhela avho vhane vha tenda.”

⁸⁷ Zwino tshivhidzo tshi ri, “Ivhani murado wa tshivhidzo. Dekeshani ndaela. Divhani katekasima.” A hu na zwithu zwo raloho Bivhilini yothe.

⁸⁸ Fhedzi Yesu o ri, “Izwi zwiga zwi do tevhela avho vhane vha tenda: nga Dzina Łanga vha do pandela vhodiabolo; vha do amba nga dzindimi ntswa; arali vha takula mañowa, kana vha nwa zwithu zwi vhulayaho, zwi nga si vha vhaise; arali vha vhea zwanda zwavho kha vhalwadze, vha do fhola.” Naa ndi nnyi muthu a no do zwi hana Izwo? Ni a vhona?

⁸⁹ “Mbeu iñwe na iñwe i do bveledza zwa lushaka lwayo.” Arali ni mbeu ya Mudzimu, tshiñaluli, murwa wa Mudzimu, zwenezwo Ipfi la Mudzimu li zwaliwa ngomu hanu. Ni a vhona? Huno zwenezwo musi ni tshi pfa Ipfi la Mudzimu, “Nngu Dzanga dzi pfa Ipfi Łanga; mutsinda a dzi nga mu tevheli.” Ni a zwi pfesesa? “Zwenezwo mbeu iñwe na iñwe i bveledza u ya nga lushaka lwayo yone iñę.”

⁹⁰ Zwino ri a wanulusa, uri mbeu iñwe na iñwe i tshi bveledza zwa lushaka lwayo, ho vha hu si na lufu kha ntswa... kha iyo

Edeni. Hu nga si vhe na lufu kha Edeni ntswa. Ni a vhona, ho vha hu si na, tshiñwe tshithu-vho nga nn̄da ha vhukhethwa, lukuna, na Vhutshilo Vhu Sa Fheli.

⁹¹ Zwino, nga u sa tenda kha Ipfi la Mudzimu lothe, zwo ñisa mbeu i si ya vhukhethwa Edeni ya Sathane. Ri khou džhena zwino hune Sathane a khou dzhia khuluñoni, sa mulwanakristo, kha e—Edeni ya ili liphasi, Edeni ya tshivhi, vhurereli ho shandiwaho. Ho ngo thoma kha, “Ndi nne Sathane. Ndi nne muruñwa muhulwane.” Hai, hu si kha hežwo, fhedzi kha u shanda Ipfi la Mudzimu. Huno iyo ndi ndila ye a ñisa muvhuso wawe, kha tshikhathi tshiñwe na tshiñwe. Huno zwino kha itsi tshikhathi tshihulwane tsha vhufhura, o dilugisela u dzhia khuluñoni yawe, nga vhathu vhawé! O difhatela Edeni ya ndivho, yo funzeaho, ya saints; vhone-vhone, vhareri vha saints, tshivhidzo tsha saints, theolodzhi ya saints, tshiñwe na tshiñwe ndi tsha saints. Tshiñwe na tshiñwe tshi kha theo ya ndivho. Tshivhidzo tshothe tsho fhañwa kha ndivho. A tsho ngo fhañwa kha lutendo.

⁹² Nga tshiñwe tshifhinga ndo dzhena ngomu u yo fara muñangano kha tshivhidzo tsha munna. Yo vha i oditoriamu khulwane vhukovhela. Munna wavhudi, huno a hana izwi zwithu zwine ra khou amba nga hazwo. Fhedzi naho zwo ralo, o vha...ndo mu takalela; munna wavhuđi, mukalaha. Musi tshivhidzo tshawe tshi tshi bva... Tsho dzudza vhathu vha no todou swika zwigidi zwa rathi. Musi tshivhidzo tshawe tshi tshi bva, kha tshumelo ya nga masiari, vha no ḥodou swika gidi-dañhanu, vho vha vhe vha ndivho vho ambaraho zwavhuđi. Nda ñzula henehfo nda vha sedza.

⁹³ O rera theroyavhuđi nga maanda, munna o ralo. Huno zwenezwo a vhudzisa arali muñwe a tshi ḥoda u ḥanganedza Kristo; u imisa fhedzi zwanda zwavho. Huno a hu na vhe vha imisa zwanda zwavho. Huno mafhedziseloni musadzi a imisa zwanda zwawe. A ri, “Zwo luga, zwino ni Mukriste,” huno a mu lugisela ndovhedzo. Huno zwenezwo musi a tshi bva... A kumedza lushie, a khisa lushie luṭuku huno a lu rabelela, nahone a balanganya vhathetshelesi.

⁹⁴ Musi tshivhidzo tshawe tshi tshi bva; vhathu vhothe vhavhuđi, vha zwikola, vho funzeaho. Zwenezwo ndo vha ndo ima nga thungo, u khada tshanda tsha uyo munna na u mu tameila lwendo lwo fhañtshedzwaho nga Mudzimu, musi a tshi bva.

⁹⁵ Huno musi ndo no ralo, gogo ḥanga ngeli lo dzhena. Vho kundelwa u vha tendela u dzhena musi gogo ḥawe lo vha li henehfo. Ngevha vhanga vha a ña, nga zwidulomilinga, zwiñiretsha, badzhi dza zwanda zwilapfu, vha lwalaho muhumbulo, na tshinwe na tshiñwe-vho. Ni a vhona

phambano? Iyo ndi yone. Itsho ndi tshone tshithu tshire nda khou amba nga hatsho, ni a vhona. Ni a vhona, ndi tshiñwe tshithu tsho fhambanaho.

⁹⁶ Musi, nga ndivho ya saintsni ni nga ita Mafhungo-madifha a pfecteso, uri, inwi, “ane a tenda kha Yesu Kristo a nga si hañulwe,” ni a vhona.

⁹⁷ Fhedzi, “Izwi zwiga zwi do tevhela avho vha no tenda,” ni a vhona, u kundelwa u dzhenisa Izwo ngomu heneffo, ni a vhona. O tenda kha Yesu Kristo, o tshidzwa, arali izwi zwiga zwi tshi tevhela mutendi.

⁹⁸ “Huno ane a pfa Ipfi Łanga,” hu si u tou diitisa, hu si u Li pfa nga ndevhe dzawe, fhedzi, “a Li pfesesa.” Muñwe na muñwe a nga Li pfa; phombwe i nga Li pfa huno ya di sala i phombwe; ni a vhona, tshidakwa tshi nga Li pfa; muzwifhi a nga Li pfa huno a di sala e muzwifhi. Fhedzi, “Ane a pfesesa Ipfi Łanga, huno a tenda kha We a Nthuma, u na Vhutshilo ha lini na lini.” Khezwo, ni a vhona.

⁹⁹ Huno a hu na muthu ane a nga ita izwo nnndani ha musi Mudzimu o mu ta. Yesu o ri, “A hu na muthu ane a nga da kha Nñe, nnndani ha musi Khotsi Anga a tshi mu kokodza, huno vhothe vhe Khotsi a NÑea vha do da kha Nñe.” Amene. Zwothe ndi vhuhulwane na u ñivhelaphanda ha Mudzimu. U dzula e ethe nahone a hu na muthu a no Mu vhudza uri a iteni.

¹⁰⁰ Zwino, nga u sa tenda, nga u sa dzhia Ipfi la Mudzimu loþhe, zwo ñisa mbeu ya u sa tenda, i si khethwa, ya tshivhi, ya vengo, huno lufu lwa U Ya Nga Hu Sa Fheli lu kha itshi tshikhathi tsha tshivhi, tsha ndivho tsha tshivhidzo. Zwino no zwi pfesesa? Kha lino duvha, musi shango loþhe li la vhurereli! Naa izwo no zwi ñivha? Shango loþhe ndi la vhurereli. Huno kha itshi tshikhathi tsha vhurereli, zwivhidzo zwihulu khudani inwe na inwe; tshiñwe na tshiñwe, tshithu tshothe tshi khunyelela nga Sathane a tshi khou luvhiwa. Ngezwi, henehaffha Bivhilini. Izwo ndi zwone. Huno kha idzi seminari dza ndivho, dza thelodzhi dze dza bvisela nnnda muthu wa ndivho we a pfumbudzwa uri u tea u amba hani, u tea u itani, u tea u ita minyanyuwo yavho hani; na tshiñwe na tshiñwe vhunga saikholodzhi, miñwaha miraru na miña, u ñivha uri u tea u shuma hani na thalukanyo ya muthu. Ni a vhona, ndi . . .

¹⁰¹ Muya wa Mudzimu a si tshiñwe tshithu tshire, inwi, na tou tshi dzhenela tshikolo. Ndi tshiñwe tshithu tshire tsha telwa ngomu hanu, nga tshanda tsha Mudzimu Ramaandoathe. Tshenzhemo dzañu ni nga si kone u dzi dzhenela tshikolo kana dza funzelwa ngomu hanu. Dzo tiwa, nga tshanda tsha Mudzimu na u ñivhelaphanda ha Mudzimu, ngomu hanu. Izwo ndi zwone.

¹⁰² Zwino, dzo bveledza iyi Edeni khulwane ine vha khou tshila khayo zwino, Edeni ya tshivhidzo tsha shango. Vha khou

vhumbana zwino kha Khoro Ya Tshikriste Ya U Vhuedzanya khulwane, huno vha khou yo vha na tshivhidzo tsha shango tshothe tshi tshi khou da fhasi ha thoho nthihi, hune Sathane a a do vhewa kha khuluñoni, zwo tou kokotolo.

¹⁰³ Huno mbidzo ya u fhedza i khou bva, u fara Muselwa A sa athu dzhena ngomu ha heyo. Ngauri a tshi tou vha ngomu hayo, o no dzhia luswayo lwa livhanda, nahone o lovha tshothe, do bva khayo na kathihi. Izwo ndi ngazwo, hu tshi pfi, “Ibvani vhukati havho, vhatu Vhang,” tshi sa athu dzhena khae, ni a vhona. “Ibvani vhukati havho, huno ni dikhaukanye.”

¹⁰⁴ Zwino, vengo na lufu, na u fhandekana U Ya Nga Hu Sa Fheli na Mudzimu, kha iyi Edeni; nyemulo, tshika, u shandea, (hani?) nga u zwala mbeu yo khakheaho.

¹⁰⁵ Zwi nkhumbudza bono le nda li vhona ndi sa athu vhuya nda tangana na vhatu vha Pentekoste, la uyo Munna a tshi khou tshimbila u mona na shango, o ambara tshena. No no mpfa ndi tshi zwi amba zwifhinga zwinzhi. Huno muñwe u a da murahu Hawe, a tshi khou zwala mbeu dza vhuluña.

¹⁰⁶ Fhedzi o i wina zwavhudzi, kha Efa...ngadeni ya Edeni, nga nyemulo ya Efa kha tshivhi; nyemulo ya kha Efa, ya tshivhi. Zwenezwo, arali Efa o emula ndivho, ho vha hu tshivhi.

¹⁰⁷ Huno musi ri tshi emula ndivho, ri tshi toda Ph.D., LL.D., ndi tshivhi u ita nga u ralo. Izwo ndi zwitatamennde zwo khwathaho, fhedzi izwo ndi Ngoho. A hu londwi uri zwo khwatha hani, i kha di vha Ngoho, ni a vhona. U emula ndivho, pfeseso!

¹⁰⁸ Tshi re hone ndi, ndi, uri namusi a ri lingedzi u imisa Ipfi la Mudzimu mbiluni dza vhatu. Ri khou lingedza u diimisa. Zwivhidzo zwi khou lingedza u imisa pfunzo ya tshivhidzo, mbiluni ya muthu.

¹⁰⁹ Ri laiwa u imisa Ipfi la Mudzimu. Paulo o ri, “A tho ngo da kha vhoinwi na maipfi a u kunga a muthu, uri lutendo lwañu lu vhe kha ndivho ya muthu; fhedzi ndi da kha vhoinwi nga maanda; nga u vhonadzwa ha Muya Mukhethwa, uri lutendo lwañu lu vhe kha Mudzimu.” Khezwo.

¹¹⁰ Muthu ho ngo fanela u diimisa. Ri zwi wana vhukati... Mudzimu kha itele muthu tshiniwe tshithu nahone a mu rumele nn̄da, ni wana muthu muñwe na muñwe a tshi khou lingedza u zwi edzisa. Ni a vhona, vha khou lingedza u diimisa. Muthu muñwe na muñwe, “Ndo ita itshi. Nne, ndi, yanga, dinomineisheni yanga, nne, iyi,” vha tshi khou diimisa. Naa ri khou rera nga ha mini, nga ha riñe kana Muvhuso wa Mudzimu?

¹¹¹ Imisani Ipfi la Mudzimu. Bvisani u sa tenda huno ni imise Muvhuso wa Mudzimu mbiluni ya muthu. Huno Muvhuso wa

Mudzimu u nga si kone u imiswa mbiluni ya muthu nn̄dani ha musi Mudzimu o ita uyo muthu nga u ralo. A nga si kone u imiswa kha...

¹¹² Nahone, elelwani, tshipida tshi fhurahu, avho vhathu vha elekanya uri ndi zwone. Ni a vhona. "Hu na ndila ine ya vhonala yo luga kha muthu." Muthu muñwe na muñwe wa ndivho u vhonala o luga.

¹¹³ Vhunga ndo ni vhudza Swondaha dzi si gathi dzo fhiraho; musi ndo ima tsini na lushie lwanga lu tshi khou fa, na Sañhane o ima heneffo huno a ri, "Ngoyo khotsi au, o fa zwandani zwau vhuniwe vhusiku. Ngoyo mufumakadzi wau o edelaho heneffo phasi kha—kha motshara, huno ngolu lushie lwau lu khou tuwa. Huno wo Mu humbela uri a u fhindule, huno A kokodza wau... O kokodzela murunzi phasi kha iwe. Zwino, huno naho zwo ralo Ndi Mudzimu wavhuđi, huno naho zwo ralo wo ri O vha e Mufhodzi. Huno iwe, wo imelaho zwe wa ri ndi zwone, wo khakha." Oo, tshiitisi tshiñwe na tshiñwe, vhukoni vhuniwe na vhuniwe ha thalukanyo ho do tea u tenda uri zwo vha zwi zwone; huno o vha e kha ngoho, kha zwingafho.

¹¹⁴ Ngauralo o vha e kha ngoho musi a tshi vhudza Efa, "Mađo au a do vulea, huno u do divha vhudi na vhuvhi. Huno ni do nga midzimu, nga iyo ndila, ni tshi divha vhudi na vhuvhi," ngauri Mudzimu o vha a sa athu vha tendela u divhona, uri vho vha vhe fhedzi. Ngauralo vho divha uri vha do divha vhudi na vhuvhi; huno o vha e kha ngoho. Fhedzi, ni a vhona, zwo vha zwo fhambana na Ipfi la Mudzimu.

¹¹⁵ Huno ngauralo vhashumeli vha a ita kha dziseminar, vha tshi khou guda theolodzhi yo itwaho nga muthu; i nga di vhonala yo luga, i nga di vha i pfecto yavhuđi ya tshithu, fhedzi yo khakhea.

¹¹⁶ A ri tei u Li pfecto. Ri a Li tenda ngauri Mudzimu o amba nga u ralo, huno izwo zwi a li ladza lini na lini. Tshithu tshothe, iyo ndi ndila ya u Li tenda.

¹¹⁷ Oo, nga ndila ye Efa a emula u vha na Ph.D., ni a vhona, nga ndila ye a emula u vha o thanyaho u fhira zwe a vha e zwone!

¹¹⁸ Dzhielani nzhele uri vha fana hani, munna na mufumakadzi wawe... Zwino dzhielani nzhele, munna na mufumakadzi, vhothe vhuvhili havho vhe fhedzi ngadeni ya Edeni, Edeni ya Mudzimu.

¹¹⁹ Zwino ndi khou yo vala. Ndo ri ndi khou yo dzhia fhedzi miniti i si gathi. Vhonani, sedzani zwino, vhunga ri tshi khou vala.

¹²⁰ Vhambedzani izwi zwino, uri uyo munna na mufumakadzi wawe vha fana hani, vhothe vhuvhili havho Edeni ya Mudzimu, hu si na na murungo wa zwiambaro na muthihi

khavho, huno vha sa zwi ḋivhe. Ngauri ndi ngani vha songo zwi ḋivha? Ngauri vho vha vho ambadzwa lupila kha zwipfi zwavho zwa vhunyuu, nga Lupila Lukhethwa, lwa Muya Mukhethwa. Vho vha vha tshi kona u lavhelesana, huno a vho ngo ḋivha uri vho vha vhe fhedzi. Vho vha vho ambadzwa lupila nga Muya Mukhethwa, lwa vhukhethwa. Vho vha vho ambadzwa lupila.

¹²¹ Lupila lwa Mudzimu, na ɿamusi, lu kona u sedza huno lwa si emule. Vha rembulusa thoho dzavho. Ndi Lupila Lukhethwa, ni a vhona, Lupila Lukhethwa. Mudzimu o ita uri maṭo avho...vhothe vhuvhili havho, muñwe o vha e munna huno muñwe o vha e musadzi, huno a vho ngo ḋivha uri vho vha vhe fhedzi, ngauri vhukhethwa ha Mudzimu ho ita uri maṭo avho a dzule o ambara lupila. Dzhielani nzhele, Mudzimu o dzumba luvalo lwavho kule ha tshivhi, nga Lupila Lukhethwa.

¹²² Ndi tama ro vha ri na tshinwe tshifhinga tsha u ḥwa kha hezwo, miniti i si gathi. Sedzani hafha, “Ngauri ene, murabeli we a vhuya a ḥanzwiwa,” Vhaheberu, “murabeli we a vhuya a ḥanzwiwa, ha tshe na luvalo lwa tshivhi.” Tshivhi tsho ɿuwa khae.

¹²³ Ndo pfa Murathu Neville a tshi amba, matsheloni ano; muñwe muthu a nga kha di vha o vha a tshi khou mu vhudzisa uri ndi ngani ndi songo rera nga ha Muya Mukhethwa, ndi ngani ndi songo ita *itsi*. Ngetshi. Muya Mukhethwa ndi nyito kha inwi. Ndi Vhutshilo, a si munyanyuwo; a si luñwe lushaka lwa vhutanzi ha ɿama. Fhedzi Ndi Muthu, Yesu Kristo, Ipfi la Mudzimu lo imaho mbiluni yañu, u hanyisa Ipfi liñwe na liñwe la tshino tshikhathi. Ndi zwone. Sedzani Muya Mukhethwa u kha nyito, hu si nga maanda kha misumbedzo; fhedzi, kha nyito, zwine Wa ita u ya nga Ipfi.

¹²⁴ Dzhielani nzhele zwino Muya Mukhethwa, wa Ipfi Likhethwa la Mudzimu, wo vha u na munna na musadzi vhe vha vha vhe fhedzi, huno vha sa zwi ḋivhe. Zwo naka hani, Vhutshilo ha Ipfi; Mbeu, Ipfi!

¹²⁵ Mudzimu o ri, “Hu na muri vhukati ha ngade, musadzi. Huno vhukati ha ngade hu na uyu muri; ni songo vhuya na u kwama. Ngauri, duvha ɿine na u la, ilo duvha ni a fa.” Vho vha vho ambadzwa lupila lwo khetheaho khawo, a vho ngo ḋivha tshithu nga hawo, vha songo tea u u kwama.

¹²⁶ Vho vha vho ambadzwa lupila lwo khetheaho. Vho vha vho tsireledzea phavilioni ya Mudzimu. Vho vha vha tshi khou tshila. Vho vha vha si na lufu lwo vha tingaledzaho. Haleluya! Vho vha vha tshi funana nga lufuno lwo fhelelaho, Vhutshilo ho fhelelaho lini na lini. Vho vha vhe na lufuno lwo fhelelaho, pfeseso yo fhelelaho ya lufuno lwa Mudzimu. Vho vha vhe na

Ipfi ḥa Mudzimu, huno vha Li vhulunga. Huno vho vha vha tshi khou tshila nahone vho tsireledzea Edeni ya Mudzimu, hu si na lufu, na luthihi, u mona hothe.

¹²⁷ Zwenezwo, Sathane o wana Efa uri a thetshelese mafhungo-madifha awe a thelodzhi, mafhungo-madifha a ndivho, u dzhena tshikolo ha n̄tha, mikhwa mivhuya ya n̄tha, vhutshilotshedza ha khwine, pfunzo ya n̄tha, na zwiñwe-vho; zwenezwo musi o no wana...ene uri a ime nahone a mu thetshelese lwa tshifhinganyana, kha maaña awe (ane ra laiwa u a posela phasi), musi o mu ita uri a a thetshelese.

¹²⁸ “Zwino, sedzani hafha, tshivhidzo ndi *tshikenenene*. Tsho imiswa lwa tshifhinga tshilapfu nga maanda. Ri tshinwe tsha zwivhidzo zwa kalesa shangoni. Meyara wa mudi u a ya.” A thi londi zwine tsha vha zwone, ni a vhona. Arali tshi tshi lwa na Ipfi ḥa Mudzimu, ilwani natsho. Itshe ndi swina ḥanu. Tshinwe na tshinwe tshi no lwa na Ipfi ndi swina ḥanu.

¹²⁹ Tshinwe na tshinwe tshine tsha ima na Ipfi ndi mukomana wañu. Ndi tshipida tshañu.

¹³⁰ Dzhielani nzhele, o bvisa Lupila Lukhethwa, u vhona zwe vhudzekani zwa vhukuma ha vha vhu zwone; vhambedzani hezwo, zwe nyemulo zwa vhukuma ya vha i tshi do ita. O bvisa Lupila matoni awe, tshithu tshikhethwa tshe Mudzimu a vha o tshi vhea kha mato awe. O ḥoda ndivho, u ñivha zwe zwa vha zwi nga haho; ngauralo a bvisa Lupila uri a vhone zwe zwa vha zwi nga haho. A thetshelesa diabolo, huno a dzhieila nzhele fhethu he a mu vhea ngomu.

¹³¹ Vho ita zwenezwo zwithihi kha tshikhathi tshinwe na tshinwe ngavhuya, tshifhinga tshoñhe vha tshi dzhia sia ḥa ndivho; huno zwino vho fhañta muvhuso wa Sathane, ndivho, mbeu yawe ye a zwala, huno a dzhia shango uri li vhe Edeni ya lufu.

¹³² Zwino dzhielani nzhele. Zwino sedzani kha Dzinzungbululo 3, Tshikhathi Tsha Tshivhidzo Tsha Laodikea. Inwi zwi elekanyeni ḥhalukanyoni yanu.

¹³³ Zwino dzhielani nzhele. Ene, Efa, ndi khosikadzi ya Sathane. Ni a vhona, Sathane, ḥowa, yo swika kha Efa Adamu a sa athu swika khae. Ni a vhona? Izwo ndi zwone. Ngauralo a mu fhura, ni a vhona; ngauralo Sathane, ḥowa, yo vha i munna wa Efa Adamu a sa athu vhuya a ñivha. Ni a vhona, o mu fhura. Bivhili yo amba uri o ralo, huno a ñivha uri u fhedzi, zwenezwo. Ni a vhona?

¹³⁴ Zwino sedzani tshi-Tshikhathi Tsha Tshivhidzo Tsha Laodikea. Ene, Efa, o dzula sa khosikadzi ya Sathane. “O pfuma nga thundu dza shango; ndi bofu, u fhedzi hafhu, huno ha zwi ñivhi,” u tou fana na zwe zwa vha zwi zwone Edeni ya Mudzimu. Fhedzi zwino, hu si ngauri Lupila Lukhethwa lu kha tshifhañtuwo tshawe, fhedzi lupila lwa nyemulo. Izwo, o bvisa Lupila

Lukhethwa lwa Mudzimu, huno a ambara lupila lwa ndivho, u itela nyemulo. Huno zwino u na lupila lwa nyemulo, uri u “bofu” kha u vha hayo tshivhi. U “fhedzi” tshitaratani, “huno ha zwi divhi.” Ndi phombwe tshitaratani. Vhasadzi vho ambaraho idzi shothi, maṭoni a Mudzimu, ndi phombwe, “huno a vha zwi divhi.”

¹³⁵ Dzhielani nzhele, dzhiani vhasadzi vhashu. Zwino, arali ni tshi ṭodou vhona nyimele ine tshivhidzo tsha vha khayo, sedzani ndila ine vhasadzi vha difara ngayo. Wa musadzi tshifhinga tshothe u imela tshivhidzo. Kha Edeni ya Saṭhane, ya tshivhi na u sa tenda, u shandea ha vhurereli; muvhuso wo shandeaho. Vhudzuloni ha u dzhia Ipfi la Mudzimu, vho dzhia u funzwa ha ndivho ha munna. Nahone vhudzuloni ha u dzhia Tshivhidzo, vho dzhia dzangano, huno vha khou li disa kha thoho nthihi khulwane.

¹³⁶ Zwino dzhielani nzhele, o shandea kha u sa vha na mulandu. Ni songo zwi pfela thungo izwi zwino. Tshivhidzo tsho vha tsho di ambara ulu lupila lwa nyemulo. Dzhielani nzhele zwe lwa ita khae. Lwo—lwo mu shanda kha u sa vha na mulandu u ya kha ndivho. Ni a vhona? Lupila Lukhethwa, o vha a si na mulandu; e na lupila lwa nyemulo, ndi ene ndivho. U a divha uri u a takadza. U a divha zwine wa ita, ni a vhona. Ndi mutshelo, muri u tamisaho, u tshi ṭalifhisa muthu. Ni a vhona? O shandea u bva kha u sa vha na mulandu u ya kha ndivho, u bva kha vhukhethwa u ya kha tshika na nyemulo, na u bva kha Vhutshilo u ya kha lufu.

¹³⁷ Uyu muvhuso u tea u fa. Uyu muvhuso u do fa! Mudzimu wa Taḍulu u do u tshinyadza kha ḥifiasi.

¹³⁸ Dzhielani nzhele, kha u shandea uhu, ho no vha u bva kha munna u ya kha musadzi, na u bva kha musadzi u ya kha munna, “huno a vha zwi divhi.” Ndi tshibveledzwa tshavhuḍi nga maanda tsha Edeni ya Saṭhane, arali ni tshi do sedza zwiṭarata ḥamusi, kha vhatu vha hashu vha musalauno.

¹³⁹ Dzhielani nzhele, ho vha hu Efa we Saṭhane a mu shumisa u ita uri Adamu a tshinye nga maanda awe a nyemulo. Zwino zwenezwo zwi fanaho, vha tshi ita zwenezwo zwithihi namusi. Dzhielani nzhele, mavhudzi o fhungudzelwaho, khofheni ho penndwaho, o ambara lwa vhudzekani, ni a vhona, izwo u a zwi ita, huno ha zwi divhi zwauri tshiñwe na tshiñwe tsha izwo zwithu tsho fhambana na Ipfi la Mudzimu. U ḥunya mavhudzi awe, hu mu ita musadzi a nyadziseaho, phombwe. U ambara dzishothi, hu mu ita uri a shonise. U mu ambadza rokho dza vhudzekani, hu mu ita phombwe. “Huno ha zwi divhi,” hu si nga nthani ha vhukhethwa ha Mudzimu; nga nthani ha nyemulo ya Saṭhane. O itisa uri wawe... O itisa uri Adamu wawe a mu emule.

¹⁴⁰ O bvula zwiṭambaro zwe Mudzimu a vha o mu ambadza, murahu Edeni, u itela lwendo lwawe kha—ili soga. O zwi bvula.

O ḋibvula u swika fhasi. Musi, Mudzimu o vha o mu putela hoṭhe nga mikumba; a thoma u vheula zwiṭuku tshifhinga tshiñwe na tshiñwe, zwino o vhuyeleta he a vha e hone ngei mathomoni.

¹⁴¹ Zwino o ita Adamu wawe uri a ambare zwiambaro zwawe zwa nga ngomu. Munna u ambara idzo shothi dza kale dzi vthonalaho dzi dza wa ha mmeni, huno a bvela ngeno nn̄da, a thi elekanyi uri hu na munna munzhi khae. Ndi wa ha mmeni muhulusa ane nda mu divha. Ni a vhona? Ni a vhona, o ita uri Adamu wawe o shandeaho a ḋifare vhunga ene, ni a vhona, a tshi khou ambara zwiambaro zwawe zwa nga ngomu. O vhona zwe a vha a tshi nga ita ngei mn̄da musi o bvula zwiambaro zwawe zweṭhe nga nn̄da ha zwa nga ngomu. Idzo ndi shothi. A hu na zwiñwe, izwo ndi zwiambaro zwa nga ngomu zwa musadzi, huno hafha Adamu wawe u khou zwi ambara zwino. Zwine, u ya nga Ipfi la Mudzimu la mathomo, “Ndi vhuṭudzi musadzi a tshi ambara tshiambaro tsho teaho munna, na munna u ambara tshiambaro tsho teaho musadzi,” zwi bvaho kha Ipfi la mathomo. Zwi elekanyeni!

¹⁴² Zwino, ene zwino u ambara meme dza mavhudzi awe, na dzone. U a dzi gamela fhasi, a dzhenisa khele ngomu hao. Mañwe a mabono a lwadzesaho e nda vhuuya nda a vhona vhutshiloni hanga, ndi vhañwe vha avho vhana ngeno nn̄da namusi vha na meme dza mavhudzi dzo gamelwaho fhasi nga ndila *iyi*, nahone o ḋewa muvhala, mavhudzi o bilitshiwaho, nga luñwe lushaka lwa pherokisaidi na tshiñwe tshithu, huno vha bilitsha mavhudzi avho, nahone vha tshi a vhumbulusa a vha dzikhele, vha tshi ita meme dza mavhudzi. Inwi wa ha mmeni muhulu! Itsho ndi tshithu tsho vhfihaho u tshi amba kha phuluphithi, fhedzi khañhulo i thoma kha nn̄du ya Mudzimu. A ni divhi uri kana ni munna kana musadzi. Huno ndi a pfectesa uri Mmbi yashu ya United States i dzhia vhuimo ha vhuvhili nga dzishothi. Izwo ndi zwone. Ni a vhona uri u shandea ndi mini? Ndi zwiambaro zwa musadzi; a tshi ambara meme dza mavhudzi awe.

¹⁴³ Liñwe ḋuvha ndo vha ndi nga hangei, ha Howard Johnson; hu si uyu fhano, fhedzi uyo a re ndilani ya u bva. Huno ndo sokou dzula murahu ndo akhamala. Ngoyu mutukanyana u a da, o vula mulomo wawe. Huno o vha e na mavhudzi matswu *hafha*, huno o vha o a gamela thungo *ino*; huno a dzhenisa rołara ngomu hao, huno a a monisa, nga n̄tha ha maṭo awe; a tshi vthonala nn̄da nga n̄tha ha maṭo awe, a tshi khou mona. Arali ndo no vhuuya nda vhona u shandea! Ni a vhona, ho ngo zwi tenda. O kona u sumbedza uri khamusi o vha e wa tshinnani, fhedzi muyani wawe ndi wa tshisadzini. Ha ḋivhi uri ndi wa sia liphio la nn̄du ine a vha khayo. Izwo ndi zwone. Ho shandea hani!

¹⁴⁴ Izwo ndi zwine Sathane a ita. U shanda dzitshakha. U shanda tshivhidzo. U shanda vhatku. Ndi mufhuri, mushandi wa Ngoho ya mathomo.

¹⁴⁵ Mudzimu o ita munna munna. O ita musadzi musadzi. Huno O vha ambadza nga ndila yo fhambanaho, huno O toda vha tshi dzula nga iyo ndila na u difara nga iyo ndila; muñwe ndi wa tshisadzini, huno muñwe ndi wa tshinnani. O fhandekanya Adamu ngadeni ya Edeni, huno a ita izwi, a fhandekanya Efa khae.

¹⁴⁶ Zwino u ambara meme dza mavhudzi a wa musadzi; wa musadzi u tunya mavhudzi awe vhunga a wa munna, huno wa munna u lingedza u ambara zwawe vhunga zwa wa musadzi. Ni a vhona? Wa musadzi u ambara zwiambaro zwa wa munna zwa nga nn̄da, huno wa munna u ambara zwiambaro zwa wa musadzi zwa nga ngomu. Zwino, izwo zwi pfala zwi tshi tambuludza, fhedzi a thi khou zwi amba nga iyo ndila. Ndi Ngoho ya Mafhungo-madifha vhukumakuma. Arali ni sa zwi ñivhi, zwenezwo hu na tsho khakheaho kha inwi; ni bofu kana na kathihi a ni athu vha zwiñarañani. Huno wa musadzi u a elekanya na wa munna u a elekanya uri ndi zwone, vha khou ya huñwe fhethu vhoñhe.

Vhasadzi vha ri, “Ndi zwone, hu a fhisa nga maanda!”

¹⁴⁷ Maindia a kale a Apache ngei nn̄da o vha a tshi do ni ita uri ni dishonele. Vha tshi wana mufhiso wo engedzeaho, vha ambara zwiambaro zwo engedzeaho, u thivhela ñuvha khavho; oo, u itemi uri u bve biko, u itela uri ni vhe na tshirothodzi tsha muya musi ni tshi tshimbila. Ni a vhona? Vha ima henehfo nn̄da ñuvhani.

¹⁴⁸ Inwi no vha ni si nga kondëleli tshithu; no vha ni tshi do bva mapone na swa. Fhedzi, ni a vhona, ndi zwine na zwi vhidza pfunzo ya nthia. Saintsia ya musalauno izwi yo zwi bveledza. Yawee, nn̄enne! Ngetsho, “tshi fhedzi,” kha Laodikea, “huno a tshi zwi ñivhi.”

¹⁴⁹ O vha e fhedzi Edeni. Ni a vhona mivhuso mivhili i tshi fana? Muñwe ndi wa tshivhi na lulu; muñwe ndi Vhutshilo na u luga. Ngomu henehfo o vha o ambadzwa Lupila Lukhethwa. Vhoñhe vhuvhili havho vho vha fhedzi; a vho ngo zwi ñivha. A vho ngo ñivha tshithu nga hazwo, ngauri vho vha vho ambara lupila lwa Muya wa Mudzimu.

¹⁵⁰ Huno hafha vho ambadzwa lupila lwa nyemulo, huno vha a sedzana u... Ni a vhona, Adamu o kona u sedza Efa, huno a sa ñivhe uri u fhedzi. Fhedzi zwino nga ulu lupila lwa nyemulo, ha limuhi uri u fhedzi, fhedzi u zwi ita nga ulu lupila lwa nyemulo u ita uri munna a mu sedze. Ndi tshone tshithu tshi tshoñhe tshire a nga zwi itela tshone. Inwi a ni zwi tendi izwo, fhedzi ni a zwi ita nahó zwo ralo, huno munna u a sedza. Huno o wanulusa uri ni na u kokodza nga maanda, u swika a tshi da huno a ñiambarela zwiñwe zwa zwiambaro zwañu.

¹⁵¹ Oo, ndi u shandea-de nandi! Ndi tshikhathi-de nandi! Ndi tshifhinga-de tshire ra... Tshi fhura hani! Oo, zwithu hezwi zwoñhe, “huno ha zwi ñivhi,” muya wo shandeaho

Iwo fhelelaho u kha munna. O ambara lupila lu bvaho kha nyemulo ya Saṭhane, na musadzi o ralo, na ene-vho. Ndi muya wa saṭhane wā sosaithi khulwane. Ni a vhona, a vha divhi, fhedzi vha dzangano. Vhasadzi vho ambara dzishothi, ndi vha dzangano. Munna o ambara nga u ralo, u kha dzangano. Ndi do ni nea pfufhifhadzo yalo, B.S.S., Big Sister Society, ngauralo ilo ndi lone line vha vha khaļo. Ibvani heneffo, sosaithi khulu ya ha mmeni, ni na ayo marukhu a kale maṭuku, tshithu tshihulu tsha kale tshi vhonala ho tshi na dziphopho, tshi vhonala ho tshi na tshika. Ndi—ndi . . .

¹⁵² Munna, zwino ni nga di fhambana na nne nga heli, fhedzi ilo ndi Ngoho. Inwi no shandiwa huno a ni zwi divhi. A ni, a ni tsha ḥifara vhunga munna. Ni a vhona, ni tshi da ni mutete nga maanda; huno, murwa wavho, ha tsha do vha tshithu khavho; vhanna, na vhasadzi, na vhone-vho. Ndi vhone sosaithi. Ngelo dzangano. Mulandu? “John, mudini u tevhelaho, o ambara dzishothi, ngauralo nne ndi ngani ndi sa rali? Luella o ṭoda ndi tshi dici ambara nge John a dici ambara, mudini u tevhelaho. Huno, zwo luga, arali—arali Susie Jane a tshi nga dici ambara, ngauralo Martha Jane a nga dici ambara, kana Susie Lou,” kana onoyo ane dzina ḥawea la vha lone, ni a vhona. Ni a vhona, ndi sosaithi. Ndi dzangano. Inwi ni khaļo nga lwa muya, huno a ni zwi divhi.

¹⁵³ Huno arali izwo zwo ralo, nahone ri tshi zwi vhona uri zwo ralo, ngauralo ni bofu. Ni bofu kha idzi dinomineisheni dze Saṭhane a ni kombamisela ngomu hadzo. Huno ndi u shandea ha Ipfi la Mudzimu la mathomo, na Muvhuso Wawe, na puļane Yawe ya vhana Vhawe. Saṭhane o kombamisela vhanna na vhasadzi ngomu ha izwi zwithu, huno a vha zwi divhi. Vho shandea!

¹⁵⁴ Ha tsha vha murwa wa Mudzimu! Meme dla mavhudzi dzo nembelela fhasi tshifhaļuwoni tshawe, o ambara phere ya dzishothi, a tshi khou tsa nga tshiṭaraṭa; murwa wa Mudzimu, mudikoni tshivhidzoni, mufunzi kha phuluphithi? Hai, uyo a si murwa wa Mudzimu. Na kathihi ho ngo da nga kha Sefo ya Mudzimu ya u elekanya. O vha a si nga ambari zwiambaro zwa vhasadzi; u na ngoho ya uri o vha a si nga ralo; na ene o vha a si nga ambari zwiambaro zwa munna. Ni a vhona, a si murwa wa Mudzimu. Ndi murwa wa Saṭhane, na ḥwananyana wa Saṭhane. Tshithu tshi kondaho u tshi amba!

¹⁵⁵ Saṭhane o kona kha u shanda na u dzhia ndango ya lino shango, na u li ita muvhuso wawe; le muthu a vhewa khaļo, nga u tshila o vhofholowa, u ḥinangela vhone vhaļe lushaka lwa vhatshilo lwe vha lu tama. Huno izwo zwi sumbedza zwi re mbiluni yaļu. Ni a vhona? Ipfi yaļu . . . Inwi ni a divha uri mini? Nyito dzaļu dici ambela n̄tha, dici ita uri ipfi yaļu li si pfalese. Uh-huh!

¹⁵⁶ Kha ndi ye kha munna. Huno ndi ri, “Oo, ndi... Ri Vhakriste rōthe. Ri vha tshivhidzo.” Huno u dibvula zwiambaro ho n̄embelela hōthe ofisini yawe? Huh! Zwo vha zwi si nga iti phambano zwe a mmbudza zwone, ndo vha ndi tshi dō divha zwa khwine; na inwi no vha ni tshi dō ralo.

¹⁵⁷ Musadzi kha a ri ene u Mukriste, e na mavhudzi mapfufhi? Huh-uh! Inwi ni divha zwa khwine u fhira izwo, ni a vhona. Ee, muñe wanga. Kha ambe zwauri ene u Mukriste, o ambara pennde na zwidolo, na dzishothi, huno a ri ndi ene Mukriste? Inwi ni divha zwa khwine u fhira izwo. Ipfi la Mudzimu li ni funza zwa khwine u fhira izwo. Ipfi li ri a nga si zwi ite huno a vha Mukriste. Nahone u a nyadzisea, na tshiñwe na tshiñwe. Mudzimu u khou yo vhea hani tshithu tshi nyadziseaho muvhusoni Wawe? Hai, muñe wanga, na luthihi. Hai, muñe wanga. Vhone vhañe, vha sumbedza lutamo lwavho.

¹⁵⁸ Inwi ni nga si wane liivha uri li le na linoni, na luthihi. Liivha a li na tshavhuñgungu. Li nga si le uyo muvhili wa kale wo faho. Arali lo u la, u do li vhulaha, nahone li a zwi divha. Fhedzi linoni li nga la zwinzhi zwine la ḥoda. Ni a vhona? Li na tshavhuñgungu tshinzhi.

¹⁵⁹ Ngauralo zwenezwo inwi wanulusani, iyo ndi ndila ine zwa vha ngayo kha shango namusi, zwenezwo zwithihi, “Vha fhedzi, ndi mabofu, huno a vha zwi divhi.”

¹⁶⁰ Sathane o zwi ita nga nyemulo ya musadzi ya ndivho, ya vhudzekani, ye a nanga nga u nanga hawe ene muñe. Zwino dzhielani nzhele, ho vha hu Efa we a ranga phanda Adamu kha vhukhakhi, nahone ho vha hu musadzi we a bvula zwiambaro zwawe Adamu wawe a sa athu bvula zwawe. Ni a vhona? Ndi musadzi, tshifhinga tshothe. Tshifhinga tshothe zwe vha nga u ralo. Zwi kha di vha nga yeneyo ndila nthihi.

¹⁶¹ Ndi tshivhidzo tshi no xedza muthu. Ndi tshivhidzo, ni a vhona, tshi no ranga phanda munna we a ḥoda u vha murwa wa Mudzimu. Ndi musadzi, tshivhidzo. A si Bivhili, Mudzimu, ngauri Bivhili ndi muthu. Oo, iina, “Ipfi lo itwa ɣama,” huno Ene o vha e Munna. Ni a vhona? Bivhili ndi munna; tshivhidzo ndi musadzi. Ni a vhona? A si tshivhidzo... Bivhili i no xedza munna. Ndi tshivhidzo tshi no mu xedza. Ndi tshivhidzo tshe a tshimbila e fhedzi natsho, a si Bivhili. Ni a vhona? Hai, ngoho. Bivhili i mu vhudza uri u fhedzi. Ee, muñe wanga.

¹⁶² Zwino dzhielani nzhele uri hani, nga vhudzekani, lutamo lwa vhudzekani, o emula ndivho, u divha zwe itshi tsha vha tshi zwone, na uri hani, uri kana uyu mutshelo wo vha u wavhuñi kana hai. Huno a zwi ita.

¹⁶³ Mudzimu u do i humisela murahu liñwe duvha, nangwe, nga Munna. Yo ɣekedzwa nga musadzi. Fhedzi yo rengululwa nga Munna; Munna, Yesu Kristo, ane a vha Ipfi.

¹⁶⁴ Huno zwenezwo ndi mini? Dzhielani nzhele, u valani. Fhano a si kale-kale, ndo ita itsi tshitatamennde. Ndi na masiaṭari o engedzeaho a no ṭođou swika maṇa kana maṭanu ngomu henefho, fhedzi ndi... a Maṇwalo na zwithu zwe nda vha ndi tshi ṭođou amba nga hazwo. Fhedzi, thetšelesani. Kha ri vale, nga u amba hezwi.

¹⁶⁵ Elelwani, fhano a si kale-kale, ndo vha ndi tshi khou ni funza nga ha Porompiṭa Dza Sumbe, tshimima tsha dziporompiṭa, na zwiňwe-vho. Huno ndo ri, "Hu na munyanya wa ḫuvha la vhumalo." Ngauralo, ḫuvha la vhusumbe li do vha la u fhedza, ilo li do vha Nwahagidi. Fhedzi hu na munyanya wa ḫuvha la vhumalo; une, arali wo vha u wa vhumalo, huno hu na maduvha a sumbe fhedzi, zwo vha zwi tshi do u ita ḫuvha la u thoma hafhu, wa vhuyeleta henefho murahu kha ḫuvha la u thoma. Zwenezwo, nga murahu ha musi Nwahagidi wo no fhela, zwenezwo hu do vha na Edeni yo imiswaho hafhu. Muvhuso muhulwane wa Mudzimu u do dzhilululwa. Ngauri, Yesu o u lwela na Sathane, ngadeni ya Gethsemane, huno a wina murahu Edeni; ine, O ya u i lugisa ngei Tađulu, u vhuya hafhu, n̄ha ngei Tađulu. O ri, "Mbilu dzaṇu dici songo dinalea."

¹⁶⁶ Musi O vha e fhano kha lifhasi, O ri, "Vhoinwi, vhoinwi Vhayuda, no tenda kha Mudzimu. Zwino, Ndi a divha uri Ndi na dzina livhī," A ralo. "Huno vha ri Ndi *hetshi, tshinwe*. Fhedzi, vhoinwi no tenda kha Mudzimu; huno vhunga no tenda kha Mudzimu, tendani na kha N̄ne." O vha e Mudzimu, o vhonadzwaho. Ni a vhona? "Tendani na kha..."

¹⁶⁷ "Nduni ya Khotsi Anga hu na manzhi..." Kana, "Kha ekonomi ya Khotsi Anga, kha pułane dza Khotsi Anga hu na pfamo nnzhi. Ndi do ya nda lugisa fhethu." Sedzani uri ho lapfa hani, zwikwea zwa maela dza gidi-dāthanu! Ni ri, hu ngafhi? O ya u hu lugisa. Ndi Musiki. U sika afho hothe nga musuku. Zwitaraṭa zwi a vhonadza. Ndi Musiki. U khou ita fhethu. Nga hangei kha Nzumbululu 21, o ri, "Huno n̄ne Yohane ndo vhona Muđi mukhethwa, Yerusalem Muswa, u tshi tsa u tshi bva Mudzimuni Tađulu."

¹⁶⁸ "Ho vha hu si tshe na lwanzhe; tađulu la u thoma na lifhasi la u thoma zwo vha zwo lovha." Naa maṭadulu a u thoma ashū o vha e mini? O vha e Nwahagidi. Naa lifhasi la u thoma ndi mini? Lo vha li heli. Li do vusuludzwa. U tou fana na musi lo lovħedzwa nga Noaxe, maduvhani a u rera haw; la khethetħefhadzwa nga Kristo, musi Ā tshi handulula Malofha Awe khalo; huno la vusuludzwa, a bvisa zwitzhili zwothe na tshiňwe na tshiňwe khalo, kha u vusuludzwa vhufheloni, nga ndovhedzo ya Mulilo i no do vhulaha tshitzhili tshiňwe na tshiňwe, vhulwadze vhuiňwe na vhuiňwe, dwadze liňwe na liňwe, tshika iňwe na iňwe ye ya vhuya ya vha kha lifhasi.

¹⁶⁹ Li do taha, huno la da li Lifhasi Liswa. “Huno nda vhona Tađulu Liswa na Lifhasi Liswa. Tađulu la u thoma, ili lifhasi la u thoma, two vha two lovha; huno ho vha hu si tshe na īwanzhe. Huno nne Yohane nda vhona Mudī mukhethwa, Yerusalem Muswa, u tshi tsa u tshi bva Mudzimuni Tađulu.” Henefho Mudzimu u do vha na zwiṭaluli Zwawe zwa ngoho, vharwa na vhananyana, hune A nga vha na vhuṭama navho kha vhukhethwa, maṭo avho e mabofu kha tshivhi tshiňwe na tshiňwe. Hu nga si tsha vha na tshivhi u bva henefho.

¹⁷⁰ Kha ri luse nga maanda; ni songo fhurwa nga īino ḫuvha, fhedzi, “lusani u dzhena nga khoro.”

¹⁷¹ “Ngauri vhothe vha no do siwa nnda vha do vha vhe dziphombwe, vhadzia-u-emula.” “Ane a lavhelesa musadzi a mu emula o no di ita vhupombwe nae.” Vhothe vha re...nnda hu do vha na vhāsadzi vhavhi, vhanna vhavhi, na vhaňwe-vho.

¹⁷² Huno avho fhedzi vho rengululwaho, nahone vha re Buguni ya Vhutshilo ya Ngwana, vha do dzhena nga khoro. Ngauralo lusani, dzikhonani; ni songo fhurwa kha īino ḫuvha la u fhedzisela.

¹⁷³ Itshi ndi tshifhinga tshihulwane. Muňwe na muňwe u na tshelede. Muňwe na muňwe a nga ita *itshi*, nahone muňwe na muňwe a nga ita *itsho*, na tshelede i tshi khou elela nga ndila inwe na inwe, na mimodoro mihulu, na tshiňwe na tshiňwe. A hu nga vhi na muňwe wayo kha uyo Mudī. A hu nga vhi na modoro na muthihi, bufho na lithihi. Hai. Hu do vha tshothe vhutshilo-tshedza ho fhambanaho. Hu do vha hafhu vhutshilo-tshedza vhu si ha ndivho, vhu si ha saintsi, fhedzi ha u sa vha na mulandu, na lutendo kha Mudzimu a tshilaho.

¹⁷⁴ Kha ri luse u dzhena ngomu kha Hoyo. Ngauri iyo ndi ndivho yanga yothe, ndi u dzhena ngomu ha uyo Mudī nga īinwe ḫuvha; huno nda sedza fhedzi murahu, vha no khou da na nne, nda vhona muňwe na muňwe wa vhoiñwi a tshi khou matsha, musi ri tshi imba, “vhakhethwa vha tshi dzhena vha tshi matsha.” Ndi ṭodou vha kha itsho tshivhalo musi vhakhethwa vha tshi dzhena vha tshi khou matsha.

Kha ri rabele.

¹⁷⁵ Khotsi wa Tađulu a Funwaho, vhunga mađuvha a tshi khou vala, nahone ri tshi li vhona li tshi khou sendela, pfulufhedziso i khou sendela. Ri a rabela, Mudzimu a Funwaho, uri U do vhea izwo kha mbilu dzashu, uri ri sa ite khakho. Mudzimu a Funwaho, ita uri luvalo lwashu lu dzule lwo ḫamba. Ita uri mbilu dzashu dzi dzule dzo ambara lupila, Murena, maṭo ashū a dzule o ambara lupila kha zwithu zwa shango, na zwithu zwa lifhedzi zwa shango, vhugala ha lifhedzi u vha muňwe muthū muhulu.

¹⁷⁶ A hu londwi uri ndi vhahulu zwingafhani, khosi dzothe, vhavhusi, vha maanda, na tshiñwe na tshiñwe-who tshi tea u lovha, huno vha ngā si vuwe kha ya vhuvhi-...kha muwo ya u thoma. Ngauri ho niwaliwa, "Mashudu na mukhethwa ndi uyo a re na mukovhe kha muwo ya u thoma, kha uyo ane lufu lwa vhuvhili lwa sa vhe na maanda." Oo Mudzimu! "Lufu lwa vhuvhili," lufu lwa muya, "lwa sa vhe na maanda"; o rengululwa!

¹⁷⁷ Oo Mudzimu, u elekanya uri iñwe ya idzi awara, muñwe u do vha a tshi khou yo dalela muñwe, huno a ḥanganedzwa nthā. "Vhavhili vha vhulaloni; hu do dzhiwa muñwe, muñwe a siwa. Vhavhili vha tsimuni; Ndi do dzhia muñwe, huno nda sia muñwe."

¹⁷⁸ Oo Mudzimu, ri thuse u vha vho ḥambaho ma—maṭoni Au, Murena, hu sa londwi zwine muthu a elekanya nga ha riñe, zwine vhanwe vhathu vha amba. Murena, makhethwa ashū kha...matshimbilele ashū a vhe makhethwa. Kha vhe o lungwaho Ipfi ḥa Mudzimu; o lungwaho nga maanda, Murena, lune ha sa vhe na vhufhura vhu no wanala kha riñe. Musi ri tshi humbelā, kha khakho dzashu riñe vhañe, uri Malofha a Yesu Kristo a do ima vhukati hashu na Mudzimu, uri U do sedza fhasi kha riñe nga kha Malofha a Yesu; hu si nga u luga hashu riñe vhañe, kana vhane ra vha vhone, zwe ra ita, fhedzi nga dzikhathutshelo Dzawe fhedzi. Mudzimu, zwi tendele!

¹⁷⁹ Ngavhe hu sa vhi na muthihi o dzulaho fhano madekwana a ḥamusi nahone a pfa Mulaedza, ngavhe hu sa vhi na muthihi wavho a no xela, u bva kha niwana muñuku u ya kha muthu wa kalesa. Ngavhe lutamo lukhethwa Iwavho lu tshi vha fhedzi lwa Mudzimu na Ipfi ḥawe. A ri ḫivhi uri ndi awara-de ine A do bvelela ngayo, kana ndi awara-de ine A nga ri vhidza uri ri yo fhindula hangei kha Khathulo. A ri ḫivhi uri ndi awara-de ine A nga, sa zwe zwa vha zwi zwone, dzhia garaña yashu kha raga, a ri, "Ndi tshifhinga tsha u da hayani. Ni tea u ḥuwa." Mudzimu, ri thuse u dzula ro ḥamba. Zwi tendele, Murena.

¹⁸⁰ Ngavhe ri tshi tshila u swika kha U Da ha Murena, arali zwi tshi konadzea. Ngavhe ri tshi ita tshiñwe na tshiñwe tshine tsha vha maandani ashū, nga lufuno na pfecto, pfecto ya uri Mudzimu u khou setsha shango, ḥamusi, a tshi khou wana nngu iñwe na iñwe yo xelaho. Huno ngavhe ri tshi amba navho nga thabelo yo lungwaho ya lufuno na Ipfi ḥa Mudzimu, uri ri kone u wana wa u fhedza, uri ri kone u ya Hayani, huno ra bva kha iyi Edeni ya Sathane ya kale fhano, Murena.

¹⁸¹ Iyo yo fhañwa yothe kha nyemulo, na vhasadzi vho nakaho, sa vha vhidzwaho nga u ralo shangoni, vhe na khunguwedzo dzavho heneffo, "Ri a kunguwedza, huno ri ḥoda vhatukana vha tshi da vhe na dzhamu kha zwifhañwu zwavho, na vhasidzana vho nakaho vho ambara dzishothi,"

heneffo kha radio dzashu na dzithelevishini; na tshakha dzothe dza tshika na vhuada, na Hollywood; tshakha dzothe dza rokho dza vhudzekani, dza tshika, dzo tshikafhalaho dza vhasadzi. Huno—huno vhanna vha tshi khou shandiwa huno vha tshi khou dzhia zwiambaro zwa vhasadzi, nahone vha tshi tunya mavhudzi avho vhunga vhasadzi; na vhasadzi vhunga vhanna.

¹⁸² Oo Mudzimu, ndi awara yo vhifhesaho-de ine ra khou tshila khayo! Oo, ida, Murena Yesu, ida! Ida, Murena! Ri tanzwe nga Malofha. Tusa tshika yothe na vhufhura kha rine. I ri ri tshile, Murena, i ri ri tshile fhasi ha Malofha, ri sa fhidzi, phanda Hau. Ndi lutamo lwa mbilu dzashu, na khumbelo yashu i fulufhedzeaho.

¹⁸³ Mudzimu a Funwaho, hu na kha iyi pulati...kana idzo, desike, madekwana a namusi, he Mafhungo-madifha a vhewa. Murena, hafha hu na dzisagaduku na phasela thukhu dzine dza ya kha vhalwadze na vha thupheaho. I ri thabelo ya lutendo, Murena, i we i tshi bva mbiluni dzashu zwino, maonni Au. Zwenezwo, Murena, arali hu na tshi songo tanzwiwaho kha rine, Murena, dzhia tshashu... ri ise khathuloni zwino; huno ri humbela khathutshelo. Ri dzumbululele tshine ra khou tshi khakha, Murena, uri ri kone u humbela, u dzhia Malofha huno ra dianzwa. Fhodza avha vhathu vha lwalaho huno u vha nee mutakalo, Khotsi, tshiwe na tshinwe tshine tsha ya hone, huwe na huwe hune dzia ya. I ri zwi vhe nga u ralo, Khotsi.

¹⁸⁴ Ri nee mafulufulu a u shumela Iwe, nahone Iwe fhedzi. Zwi tendele, Murena.

¹⁸⁵ Tendela tsireledzo kha avha vhathu vha funwaho vha re ndilani ya u ya hayani.

¹⁸⁶ Ndi a U livhuwa kha ndila ye Wa fhodza vhathu. Na mutukanyana wa Khaladzi Shepherd na Mukomana Shepherd, o vhaisalaho e kha baisigira, ndi rabela uri hu songo da na vhuvi na vhuthihi kha hoyo; muthu mutuku a tshi khou reila baisigira yawe, ndi rabela uri u do luga tshothe. Ri a U livhuwa kha phodzo Yau ya avha vhaewe ye ra i humbela. “Huno ri a divha uri zwine ra humbela, ri a tanganedza, ngauri ri na fulufhelo kha Uyo we a ita pfulufhedziso.”

¹⁸⁷ Ri nee tshilidzi Tshau, Murena, huno u ri hangwele zwivhi zwasu, ri a humbela Dzinani la Yesu Kristo. Amene.

¹⁸⁸ Naa ni a Mu funa? [Tshividzo tshi ri, “Amene.”—Mudz.] Naa ni a Mu tenda? [“Amene.”] Naa ni a lwala nahone no neta nga muvhuso wa Sathane? [“Amene.”] Naa ni a tenda uri zwi khou da kha Nwahagidi, kha Nwahagidi Wawe; Yawe, kha Edeni Yawe? [“Amene.”]

¹⁸⁹ Inwi ni a tenda uri i khou vhumbiwa namusi? Sedzani, tshiñwe na tshiñwe tsho tewa kha vha ndivho. Zwoþhe, tshiñwe na tshiñwe, tshi tea u sumbedzwa nga lwa saints vha sa athu tshi tenda.

¹⁹⁰ Huno ni nga si kone u sumbedza Mudzimu nga lwa saints. Ni tea u Mu tanganedza nga lutendo, “Ngauri uyo a ðaho kha Mudzimu u fanela u tenda uri Ndi ene, nahone ndi mupfufhi wa avho vha no Mu ðoda vho ðifunga.”

¹⁹¹ Oo Mudzimu, a thi ðodi u ðivha tshithu nga nn̄da ha Malofha a Yesu Kristo a no nt̄anzwa tshivhini. A thi ðivhi tshithu nga nn̄da ha Yesu Kristo. Huno vhunga Paulo wa kale o amba, ngauralo ndi a amba madekwana a namusi, “A thi ðivhi tshithu vhukati hañu, nga nn̄da ha Yesu Kristo fhedzi, nahone O vhambibiwa.”

¹⁹² Ndi zwenezwo fhedzi zwine nda ðivha u ni vhudza. Iyo, iyi Bivhili, ndi a tenda nga mbilu yanga yoþhe (arali ndi tshi ðivha mbilu yanga), u vha Ipfi la Mudzimu lo fhelelaho li songo vangwaho. Nga Ili ndi a tshila. Nga Ili ndi a ima. Huno arali ndo vha ndi na vhutshilo ha zwigidi zwa fumi, ndo vha ndi tshi ðo takalela u nea tshipida tshiñwe na tshiñwe tshaho kha ili Ipfi, ngauri ndi Ipfi la Yesu Kristo. Huno a thi londi uri vha nga lingedza u sa ima Naþo, uri saints i lingedza u amba zwingafhani uri a Li fulufhedzei, na zwiñwe-vho. Kha nne, ndi Lone tshithu fhedzi shangoni tshine ndi nga tshi fulufhela, ndi ili Ipfi. Ndi wanga. Ndi a Mu funa. Naa inwi a ni ralo? [Tshivhidzo tshi ri, “Amene.”—Mudz.]

¹⁹³ Arali hu na tshivhi mbiluni yañu, arali hu na mulandu mbiluni yañu, arali ni na tshiñwe tshithu, rabelani zwino huno ni humbele Mudzimu uri a ni hangwele. Inwi ni nthabelele; ndi ðo ni rabelela. Mudzimu a ni fhaþutshedze, ndi thabelo yanga.

U swika ri tshi þangana! u swika ri tshi
þangana!
Mudzimu a vhe na inwi u swika ri tshi
þangana hafhu!

¹⁹⁴ Naa ni a funana? [Tshivhidzo tshi ri, “Amene.”—Mudz.] Yohane o ri, “Vhana vhaþuku, funanani.” “Funanani, ngauri lufuno lu fukedza vhunzhi ha zwivihi.” Zwino kha ri khaðane.

Mudzimu a vhe na inwi u swika ri tshi
þangana hafhu!
U swika ri tshi þangana! u swika ri tshi
þangana!

¹⁹⁵ Zwino itelanani vhulenda. Ivhani na vhulenda kha muñwe na muñwe. Farani mudzulatsini wañu nga ndila yone. Dzulani ni si na tshika u swika Yesu a tshi vhuya.

. . . milenzheni;
 U swika ri tshi ḥangana! u swika ri tshi
 ḥangana!
 Mudzimu a vhe na inwi u swika ri tshi
 ḥangana hafhu!

¹⁹⁶ Ni a Mu funa? [Tshivhidzo tshi ri, "Amene."—Mudz.] Iyo ndi thabelo yanga. Inwi ni nthabelele; ndi do ni rabelela. Ndi tea u humela murahu Tucson zwino. Huno ndi—ndi rabela uri Mudzimu u do ni fhaṭutshedza nothe. Ndi do ḥuwa ndi henengei nda ya Canada, huno nda vhuya Colorado; u mona, u mona, u mona, ni a vhona. U swika . . . ? . . .

¹⁹⁷ Mukomana Tony u henengei, huno tshithu tshihulwane tsho bvelela. Henefho fhasi ha Vatican, Roma, vha khou vhidza mvuseledzo, mutangano, uri nne ndi de henengei huno ndi fare mvuseledzo Roma, Roma. U kha di bvou vhuya. Vhathu vho kuvhangana vhothe. Vha na vhupo ho vuleaho vhuhulwane henengei, vhu dzudza zwigidi na zwigidi, huno vha ḥoda ndi tshi dela mvuseledzo. Vha ḥodou vhona vhugala ha Murena mushumoni. A thi ḫivhi. Ndi tea u rabela nga hazwo, nda vhona zwine Murena a do mmbudza. Yawee, nñenñe! Elelwani, rabelani, riñe rothe. Ri khou shuma . . .

Ri khou sedza u ḫa ha Mutshidzi washu o
 fhaṭutshedzwaho,
 Lavhelesani, huno ni vhone maṭari a muhuyu
 a tshi vha madala;
 Mafhundo-madifha a Muvhuso Wawe o no ya
 kha lushaka luñwe na luñwe;
 Huno ri tsini na vhufhelo, vhu nga vhonwa.

¹⁹⁸ Naa izwo ndi zwone? [Tshivhidzo tshi ri, "Amene."—Mudz.]

Zwenezwo nga dakalo ri do huwelela
 Mulaedza wa u bvelela Hawe ho
 fhaṭutshedzwaho,
 Hu sī kale U a ḫa e vhugalani, u vhudza
 muñwe na vhothe;
 Zwenezwo vuwani, inwi vhakhethwa vha
 Murena, ndi ngani ni tshi kumedza vhufhelo
 vhu tshi sendela,
 Kha ri ḫilugisele iyo mbidzo ya u fhedza.

¹⁹⁹ U do khona vhukovhela huno a namela a vhuya hafhu, nga liñwe ḫa aya mađuvha, itonu elelwa. Ngoho u do ralo. Huno izwo ndi zwone. U swika zwenezwo:

Dzhiani Dzina ḫa Yesu,
 Nwana wa matungu na wa khombo;
 Li do ni nea dakalo na khuthadzo,
 Li dzhieni, huñwe na huñwe hune na ya.

Dzina ḥavhuđi (Dzina ḥavhuđi), Oo li ḫifha hani!

Fulufhelo la ḥifhasi na dakalo la Tađulu;
Dzina ḥavhuđi, Oo li ḫifha hani! (li ḫifha hani!)

Fulufhelo la ḥifhasi na dakalo la Tađulu.

Kha Dzina la Yesu ro kotama,
Ri tshi gwadama milenzheni Yawe,
Khosи ya dzikhosi Tađulu ri do I ambadza,
Musi lwendo lwashu īwo swiķa magumoni.

Dzina ḥavhuđi, Oo li ḫifha hani!
Fulufhelo la ḥifhasi na dakalo la Tađulu;
Dzina ḥavhuđi, Oo li ḫifha hani!
Fulufhelo la ḥifhasi na dakalo la Tađulu.

²⁰⁰ Zwino, kha iyi ndimana ya u fhedza, kha ri i imbe nga mbilu dzo kotamaho zwino.

Dzhiani Dzina la Yesu,
Sa tshiṭangu ḫha tshikwekwe tshińwe na tshińwe;
Huno musi milingo i tshi ni kuvhanganelia,
(izwi zwithu zwa muvhuso wa Saṭhane, ni a vhona, ni a vhona)
Itonu fema īlo Dzina ḥikhethwa nga thabelo.

²⁰¹ Ndi zwenezwo fhedzi; zwenezwo na tshimbila. Li a shuma. Ndo li lingedza. Itonu li tenda zwino, ngauri li do shuma. Itonu fema Dzina ḥawe ḥikhethwa nga thabelo.

...Dzina la Yesu,
Sa tshiṭangu kha tshikwekwe tshińwe na tshińwe;
Musi milingo i tshi ni kuvhanganelia, (Naa ni itani-ha?)
Itonu fema īlo Dzina ḥikhethwa nga thabelo. (Lupiā lu ḫo da ḫha tshifhaṭuwo tshaṇu-ha.)

Dzina ḥavhuđi (Dzina ḥavhuđi), Oo li ḫifha hani!
Fulufhelo la ḥifhasi na dakalo la Tađulu;
Dzina ḥavhuđi, Oo li ḫifha hani!
Fulufhelo la ḥifhasi na dakalo la Tađulu.

²⁰² Kha ri kotamise zwifhaṭuwo zwashu zwino, musi ndi tshi humbela Mukomana Beeler ngei murahu u da ngeno kha pulatifomo. [Mukomana Branham u thoma u nuñuna *Dzhiani Dzina La Yesu*—Mudz.]

Itonu fema Dzina ḥawe ḥikhethwa nga thabelo.

²⁰³ Inwi ri balanganyeni, Mukomana Beeler. Inwi ri balanganyeni nga thabelo.

Dzina ḥavhudzi,
Fulufhelo ḥa ḥifhasi na dakalo ḥa Taqulu;
Dzina ḥavhudzi (Dzina ḥavhudzi), Oo ḥi ḥifha
hani!
Fulufhelo ḥa ḥifhasi na dakalo ḥa Taqulu.

²⁰⁴ Zwino zwifhatuwo zwashu two kotama, na mbilu dzashu dzo kotama. Mukomana Beeler, muñwe wa vhashumisani vhashu fhano, Mukomana Estle Beeler, mukomana wa Mukriste wavhudzi, munna a fulufhedzeaho. Ndi khou yo mu humbela arali a tshi ḥo balanganya vhathetshesi, madekwana a namusi, nga thabelo. Mudzimu a ni fhaṭutshedze, Mukomana Beeler. 

EDENI YA SATHANE TSV65-0829
(Satan's Eden)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Swondaha, Thangule 29, 1965, Thabererenakejeni ya Branham kha ḥa Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gaṇdiswa u songo pfufhifhadzwa nga Tshiisimane. Heyi ḥhalutshedzo ya Tshivenḍa yo gaṇdiswa huno ya phaḍaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org